

無錫金匱縣志

卷一之四

建置沿革表  
疆域  
山  
附  
鄉都  
城郭  
水利  
水附  
泉  
流

ル 5  
3047  
2



門凡 6  
號 3000  
卷 2

門凡 6  
號 2300  
卷 2

無錫金匱縣志卷一

建置沿革

地理沿革

取為難矣志表舊列州國郡縣今略宗之頗復覆加鉤  
考問事訂補至其說足備參與譌謬之既刊而有待別  
白者附著篇終不以廁焉懼糝也志建置沿革第一

唐 揚州

虞 揚州

夏 揚州

殷 揚州

句吳國

無錫金匱縣志

卷一

建置沿革

一

昭和九年  
六月十八日  
印

門 儿 5  
號 3047  
卷 2

無錫金匱縣志

卷一

周

揚州

吳國

史記泰伯仲雍奔荆蠻自號句吳索隱引吳地記曰泰伯居梅里在闔閭城北五十里許正義曰今無錫縣東南

史記武王克商求泰伯仲雍之後得周章周章已君吳因而封之正義曰諸樊南徙吳至光命子胥築闔

風土記武王封周章少子贇於無錫安陽鄉舊志謂邑之安陽山是其地

無錫金匱縣志

卷一

建置沿革

二

闔閭城都之今蘇州也諸樊徙吳說據世本世本以梅里為句吳蘇州為吳也吳地記壽夢始別築城為宮室於平門西北二里平門蘇州城門也諸樊所徙蓋即此城闔閭又改築耳故吳越春秋越絕書皆載闔閭築城事而不言徙都自通典於蘇州下注闔閭以

元王三年	顯王三十六年	秦始皇二十五年		後都此後人遂以徙都屬諸閩閩而謂泰伯至王僚並都梅里殆未審矣	史記春申君城故吳墟以自為都邑後漢志注城在無錫
越并吳	楚并越	考烈王十五年	置會稽郡		史記王翦定荆江南地置

漢高帝五年	六年		置楚國	分置吳郡	置無錫縣	
徙齊王韓信為楚王六年廢	置荆國	會稽郡	考乘謂是秦置說見藝文以史無明文仍繫諸漢縣名始見於漢書也	漢書以故東陽郡郡吳郡立劉賈為荆王是時分楚	史記灌嬰渡江破吳郡長吳下遂定吳豫章會稽郡案楚漢間分會稽置吳郡正義謂即蘇州蓋本會稽郡治也	

十二年		地為二國荆 其一也十一 年黥布反賈 敗死無後國 除		
文帝前 十六年		置吳國 史記以沛侯 濞為吳王王 故荆地景帝 三年以反誅 國除	并為會稽郡 越絕書是年 會稽太守治 吳郡蓋自是 吳郡廢而會	

武帝元 封元年	五年	置揚州刺 史部	稽復秦之舊 云	以無錫為侯國 漢書多軍以 東粵將軍降 封無錫侯邑 千戶子卯嗣
征和四 年	新莽		復為無錫縣 多卯以罪免 國除	改為有錫縣
後漢	揚州刺史		會稽郡	復為無錫縣

正易全書系志

卷一

建置沿革

四

光武部

明帝永平元年

舊志據陸羽  
惠山寺記以  
改復無錫為  
順帝時考乘  
云東觀漢記  
明帝永平元  
年封陰盛為  
無錫侯則縣  
名復舊當在  
光武之世矣  
以無錫為侯國  
後漢郡國志  
稱無錫侯國  
而未詳所封  
之人考乘據  
東觀漢記知  
所封為陰盛  
盛與陰興子  
慶博同封蓋

順帝永建四年

獻帝興平二年  
建安七年

孫吳揚州

分置吳郡

後漢志不著  
分郡之年據  
宋書在永建  
四年  
孫策取吳郡

分置毗陵典農省無錫縣

亦后族考乘  
以為興子非  
也興子慶博  
員丹四人無  
名盛者  
以無錫為毗  
陵侯朱治奉  
邑見三國志

晉 揚州

武帝太  
康元年  
二年

校尉

宋書吳時分  
吳郡無錫以  
西為毗陵典  
農校尉晉書  
誤吳郡為會  
稽

毗陵典農校尉

改置毗陵郡

晉書省校尉  
置毗陵郡舊

復置無錫縣

晉書吳分無  
錫以西為屯  
田置典農校  
尉蓋屬校尉  
者不獨無錫  
觀晉省校尉  
置毗陵郡可  
知非指一縣  
而言舊志謂  
省無錫縣置  
屯田典農校  
尉者誤

分無錫毗陵  
立暨陽縣見  
宋書

元帝

改為晉陵郡

晉書志永興  
元年以毗陵  
郡封東海王  
世子毗避毗  
譚改為晉陵  
宋書志東海  
王越世子名  
毗而東海國  
故食毗陵永  
嘉五年帝改  
為晉陵按東  
海王越卒於  
永嘉五年三  
月時方詔方  
鎮討越四月  
世子毗沒於

志謂分吳郡  
置者誤

建置沿革

十二年	南徐州	南徐州	晉陵郡	無錫縣
文帝元 嘉八年	南徐州 移南徐 州於江 南晉陵 郡改屬 焉	南徐州	晉陵郡	無錫縣
宋 武帝永 初	南徐州	晉陵郡	晉陵郡	無錫縣
			初亦稱東海 世子與毗同 故誤以為毗 耳	僑置杼秋縣 於無錫見宋 書

無錫金匱縣志

卷一

建置沿革

七

石勒此時不  
應避諱改郡  
名故舊志從  
晉書繫於永  
興元年然東  
海王越傳及  
惠帝紀皆無  
封毗陵事今  
考東海王沖  
傳元帝以東  
海王世子毗  
沒於石勒不  
知存亡以沖  
繼毗後稱東  
海世子以毗  
陵郡增本封  
據此足證兩  
志之誤沖元  
帝子繼毗後  
固應諱毗其

以北沛郡竹  
邑縣併杼秋



見宋書

齊南徐州

晉陵郡

無錫縣

明帝建武四年

省杼秋縣見齊書

梁南徐州

晉陵郡

無錫縣

陳南徐州

晉陵郡

無錫縣

宣帝太建

賜張種無錫侯秩見陳書

隋省南徐州

改爲常州

無錫縣

高祖開皇九年

元和郡縣志平陳廢郡於常熟縣置常州後割常熟縣入蘇州移常州理於晉陵縣

陵縣

煬帝大業三年

改爲毗陵郡

唐

改爲常州

無錫縣

高祖武德三年

舊唐書毗陵郡武德三年杜伏威歸化置常州按武德元年詔改天下郡爲州其年沈法興取毗陵郡三年李通奪據之伏威遣將輔公祏又逐子通伏威先已獻款於唐蓋至是改

建置沿革

<p>太宗貞觀元年</p>	<p>置江南道</p>		<p>郡為常州也 六年公祜叛 七年討平之 康熙志謂置 常州當在七 年平公祜之 後考通鑑公 祜敗走夜宿 常州是其時 已稱常州矣 今從舊唐書</p>
<p>元宗開元二十一年</p>	<p>分置江南東道</p>		<p>改為晉陵郡</p>
<p>天寶元年</p>			

<p>肅宗至德二載</p>	<p>分置浙江西道</p>		<p>改為常州</p>
<p>乾元元年</p>	<p>又分江南東道為浙江東西二道大曆十四年復合尋號鎮海軍貞元三年又分二道</p>		
<p>昭宗景福元年</p>		<p>楊行密取常州</p>	

楊吳 南唐		常州	無錫縣
宋 太祖開 寶八年		常州 前年諭吳越 伐江南至是 吳越拔常州 歸於宋	無錫縣 無錫縣 望
太宗至 道三年 置兩浙路 熙甯中 分為二 路尋復 合建交 元年又 分為二 常州屬 浙西路			

恭帝德 祐元年		元取常州	元取無錫
元 始祖至 元十三 年	置江淮行 中書省	常州 元取常州	無錫縣
二十四 年	改為江浙 行中書省	升為常州路	
成宗元 貞元年 順帝至 正十七 年		前年張士誠 陷常州路至 是明取之改 為長春府尋	升為無錫州 莫天祐據無 錫州

建置沿革

國朝	置江南布	復為常州府	無錫縣
明	建南京	常州府	無錫州
太祖洪武元年	十一年改稱京師永樂元年仍為南京		明取無錫州
神宗萬曆末		改為嘗州府 避光宗諱	降為無錫縣
二年			

世祖順治二年	政使司		
十八年	分置右布政使司		
聖祖康熙六年	改右布政為蘇州布政使司		
世宗雍正四年		分無錫東境置金匱縣	

附考  
世本吳孰哉居蕃離孰姑徙句吳宋忠曰孰哉仲雍字蕃離今之餘暨也孰姑壽夢也句吳太伯始所居地名案餘暨今蕭山縣境謂仲雍以後並都於彼至壽夢乃

還居句吳耳世本實為古史注史記者皆本其說故錄以備參

宋書州郡志南兖州南沛太守下云永初郡國有杼秋縣治無錫案杼秋故屬豫州沛國晉失豫州僑置於此耳晉置南沛郡屬南徐州元嘉中分立北沛郡則屬南兖而南沛於大明四年併入南彭城郡故南彭城有杼秋縣是也若南兖州之南沛郡乃北沛之改稱永初時尚無此郡杼秋安得屬之宋志誤又案考乘云宋武帝僑置杼秋縣治無錫歷永初庚申辛酉壬戌凡三年見永初圖經云云然證諸史多不合杼秋初屬南沛改屬南彭城至齊建武四年始省固不止永初之三年永初圖經世無其書當是永初郡國之誤其僑縣之始史無明文疑在東晉南沛置郡時未必即始於永初也今以見於永初郡國姑繫諸永初

表中舊有陳後主禎明元年改無錫縣為吳州一條蓋本諸李晦升州記康熙嘉慶等志據陳書後主紀割揚州吳郡置吳州不言無錫固已疑之案隋書吳郡注陳置吳州平陳改曰蘇州是吳州即吳郡升為州也乾隆志謂與本邑無預甚是惟其稱割吳郡置吳州又云吳中割置若謂分吳郡之地而別立吳州者則亦誤蓋以

揚州而言則割其所屬之吳郡以吳郡而言則改郡為州又以錢唐郡屬之其境有益而無所為割也今削此條於表而附識之

寰宇記隋開皇九年廢無錫縣入晉陵十三年復舊大業三年改為毗陵唐復為無錫按隋書志郡縣之名皆以大業所改為斷而毗陵郡下有無錫縣無毗陵縣唐書志亦不言改毗陵為無錫今從史志附此備考

無錫地當斗分句吳啟疆建國最古洎乎秦漢以來遂  
 為壯縣稽其封域莫得而詳矣夫晉立暨陽始披其地  
 元豐九域猶有夫椒厥後頗亦削焉蓋自昔幅員視今  
 為侈矣元明以降四至畫然故籍相沿未之有改也志  
 疆域第二

疆域

無錫地當斗分句吳啟疆建國最古洎乎秦漢以來遂  
 為壯縣稽其封域莫得而詳矣夫晉立暨陽始披其地  
 元豐九域猶有夫椒厥後頗亦削焉蓋自昔幅員視今  
 為侈矣元明以降四至畫然故籍相沿未之有改也志  
 疆域第二

無錫金匱縣在常州府東南九十里舊志無錫縣東西百  
 一十五里南北百二十七里明時重加揆定東西百二  
 十里南北百一十里迄今兩縣畫分考其全境略如舊  
 制東抵王莊常熟界七十里西抵周橋陽湖界五十里

北抵馬鎮江陰界三十三里南抵烏山吳縣界七十七里西北抵五牧陽湖界五十里東南抵烏角溪長洲界四十三里東北抵嶺村江陰界七十四里西南抵新塘陽湖界五十一里此兩縣之全境也至其分治之界自高橋循運河而下繞缸尖之北循西城河出南尖小尖之間抵城北循城中直河而南又循運河達望亭爲兩縣分界皆西屬無錫東屬金匱自高橋五瀉口折而入西五丁浜北涉咸塘河抵沌來廟河口東貫天授區至范砌橋又北出張塘橋逕闕莊蕩迄長安橋亦爲兩縣分界大率西北屬無錫東南屬金匱而高橋以北則全隸無錫長安橋以東則全隸金匱云出南門東南歷新安至望亭烏角溪口通吳橋入長洲界爲向南驛道出北門西北行轉石塘灣經洛社至五牧接陽湖界爲向北驛道出北門北經五步塘張塘橋陳溝至馬鎮接江陰界爲江陰縣驛道出西門由五里街循惠山而北至胡山經閭江橋至孤村接陽湖又西南抵百瀆爲入宜興縣道出東門東經隆亭至張公橋鴻山甘露接常熟界爲入常熟縣道

無錫金匱縣志卷一終

無錫金匱縣志卷二

山水

江南自京口而下逕丹陽毘陵達於無錫而九龍蜿蜒山川秀麗遂稱奧區其濱湖諸山銜尾數十里亦邑之屏障也運河當南北之衝異時轉漕吳會之粟咸出於是太湖汪洋跨連數郡利擅魚稻蓄洩資之然汊港紛歧亦易藪盜一旦有事則湖防為尤亟云志山水第三

山

錫山在縣西五里惠山之支隴也陸羽惠山寺記山東峯當周秦間大產鉛錫漢興錫方殫故置無錫縣後漢有



樵客於山下得銘云有錫兵天下爭無錫寧天下清有錫珍天下弊無錫又天下濟此錫山之名所由始山脈自閩江來至九龍之東伏而更起為是山形勢既豁諸水環之縣城斯建故論者以為邑之主山山南有小石池圓廓若盆竅通山腹大旱不竭俗稱仙人洗面池下有八仙石童子石前有月子蕩蕩下澗水匯二泉支流入梁溪山西有秦皇塢東有烏腰塢其巔有龍光塔旁有望遠亭舊志云初崑山顧文康鼎臣善堪輿術謂邑無魏科當是龍不角耳嘉靖中邑人顧懋等建石塢於山巔或云龍以角聽塢宜空中萬歷中郡守施觀民建龍光塢而石塢遂廢嘉慶志云王學士達有錫山塢影詩是洪武永樂間先已有塢邵文莊寶亦有錫山塢基詩顧文康時當是廢而復建

案王莽時大改郡縣之名往往與舊名相反如東明為東昏符離為符合園陰為方陰之類甚多光武中興悉復其舊無錫之或改或復亦猶是耳舊志本陸羽聶厚載諸記謂王莽時錫出而更名孝順時錫竭而復舊殆不足據

惠山在錫山之西其第一峯之麓與錫山相屬古稱厯山漢書所謂春申君歲祠以牛者也隋書謂之九龍山寰宇記引郡國志亦曰冠龍山或云西域僧慧照居之亦名慧山陸羽記云惠山古華山也顧歡吳地記華山在吳城西北百里老子枕中記吳西神山是也又有鬪龍九隴之名並見陸羽記其峯有九起自東迤邐而西下為九塢第一曰白石塢第二泉在焉右為春申澗二曰

桃花塢三曰擔鉤塢四曰王家塢五曰宋塢有師子石涼棚石鏡光石天公足跡石六曰馬輦塢其峯居九隴之中下有三台墩七曰望公塢峯最高上爲石門有水簾洞中開一隙兩門翼然飛瀑濺激俗謂之珠簾泉下有青墩八曰仙人塢石穴深黝不可窺西有回龍澗其水從山之西北轉龍尾東入運河九曰火叉塢亦曰火鴉塢又西北爲龍尾陵道上有白龍潭

青山在惠山西南九隴凹結處突起一峯勢南向璨山前屏章山右峙中開半面遙見湖光

璨山在惠山西南與章山相望山後有義興嶺由此可徑宜興

章山在惠山第三峯之陽璨山之西南山下東西二池皆名大池塢又有牛來塢龍腿塢旁有錢橋嶺通山北路墨潭山在章山之西上有石池其水如墨

嶧山自龍尾陵稍斷數十武突起爲是山其斷處爲嶧嶧山北爲湛峴山其西爲舜山

舜山一名厯山山下爲厯村或云上有舜田不種而禾歲恆產一二穗又有舜井其西爲柯山兩山連而其峯相望土人合名之曰舜柯山風土記吳仲雍六世孫柯相之所治也舜山下有小山名石盆柯山下爲石家灣西爲張灣周家灣又西爲斗城相傳范蠡所築

案陸羽惠山寺記云南朝多以北方山川郡邑之名權創其地故又以此山為歷山以擬帝舜所耕者此指惠山而言然無錫有歷山見漢志不始於南朝南朝雖僑置郡縣不聞僑置山川其說均無足取乾隆志引此以為專指舜山又以陸羽記為郡國志皆非也寰宇記云古歷山有春申君祠山西有范蠡城又江陰軍條下云黃歇廟在無錫惠山寺是歷山即惠山而范蠡城在今舜柯之西或舜柯諸山得統名為歷也顧未有專以舜山為歷山者惟咸淳毘陵志於惠山之後別載歷山云歷山谷名舜山在惠山南舊為宋司徒右長史湛茂之別墅然湛長史別墅即所謂歷山草堂在惠山非舜山也咸淳志又云旌忠薦福寺在歷山即惠山寺又云舜井在惠山中而引陸羽記歷山為證是亦以歷山為惠山而非舜山也參考諸說蓋宋以前尚無舜山之名故陸羽記祇言柯山而不及舜山舜與柯固一山也舜柯雖或得統稱為歷而歷山之名究屬惠山自成淳志誤分惠歷為二因以歷之名移諸俗稱之舜山而不知其自相抵牾後志遂轉輾因之茲亦不敢遽改姑附辨焉

橫山在縣西十八里高數十丈諸山自嶧喇相屬而西忽

一支從平疇突起南北橫亘故名橫山下有大澗小澗西有盤龍澗其南為鎮山

管社山在鎮山之西與獨山相對下有項王廟或云本夏王廟相傳獨山門為神禹所鑿故祀於此後乃訛夏為項也其西為西管社山北為獨月山又北為石步山

唐山在橫山之西其西為東孔山又西為西孔山

案康熙志唐山在墨潭之南其麓西屬孔山南為橫山上有蒼峴嶺亦名蒼頡嶺蓋元明志唐灣山有蒼峴嶺也乾隆志因謂唐山即唐灣山又以唐灣山濱太湖不當介於橫孔二山故削此二語今攷唐山距徐巷里許與橫孔二山東西相接非即唐灣山也康熙志差近之惟謂上有蒼峴嶺則誤耳唐灣即今華藏山別詳於後

夏陰山在縣西二十五里西臨太湖其山甚小而吳地記

謂其麓周十里高七十五丈殊不合舊有元處士其西  
為石步山

石步山一名石埠下有明郎中其西為雞坑山又西為姚

灣山皆面湖

西顧山在孔山之北柯山之西

雞籠山以形名在西顧山之西一名青龍山俗亦稱騎龍

山北有馬鞍嶺其東南為南照天灣山西北為北照天

灣山南照天灣山亦名狀元山宋蔣芾葬此故名志外

云蔣芾紹興二十一年一甲二名進士宋時進士

華藏山在縣西三十五里以華藏寺得名本名青山東臨

太湖山頂為蓮花峯下有青山嶺小嶺塢子嶺山前舊

有雲海亭望洞庭夫椒歷歷如畫又名望湖亭其麓

案康熙志謂陽為華藏陰為青山乾隆志駁之是也元

志云唐灣山在青山下邊太湖之唐灣上蒼峴嶺在其

側又云宋張循王墓在布政鄉唐灣山即青山毘陵胡

澗記云華藏禪寺在唐灣山之陽即今所謂青山也據

此青山與唐灣山名異實同皆即今之華

藏乾隆志乃引以為唐山之證則誤矣

韓灣山在華藏之西其西為楊灣山又西南為孟灣山宋

信安郡王孟忠厚墓在焉又西南為三灣山皆面湖又

西為歸山

案前志三灣之西有二灣山頭灣山今統稱為三灣山

也康熙志云舊志有廣長山大穹山在青山西今無知

者獨有韓灣山蘇坎頭山未詳孰是乾隆志以為青山

以西岡巒紆折山非特起亦無定名是矣又前志皆有

邵巷山云卽楊灣山西面過石皮嶺而北爲歸山然考歸山在三灣之西距楊灣既遠而楊灣又在其東北不當北爲歸山也且邵巷既與楊灣爲一山本不應別列故削之附識俟考

歸山在縣西四十五里有姚墩薛墩蔣灣風土記子胥既死吳人於此望其歸故名前有平塢山若眠弓焉又北爲胡山一名鳳山秦端敏金世居其西

大雷山小雷山在三灣山之南俗稱大犁小犁皆濱太湖大雷觜延入里許危崖三面波濤衝激洶若殷雷兩山間爲速雷山下有削刀灣

盤塢山在小雷之西其形盤曲窅然而深湖水浸其麓章山與月牌山麓相屬山觜入湖絕壁數仞下臨洪濤有

洞曰章仙今漸湮塞山後有獨湖嶺其西爲邵家灣山

康熙志云夏墓山其峯特高孫權族弟東定侯必興贈夏侯者葬此故名西南行曰章山觜乾隆志云章山夏墓本非兩山元明志有章山無夏墓山顧貞觀邑志補訂以爲舊志未有此墓史亦無其人宜考

月牌山在章山天井間其峯回環宛如半月月中多古松

天井山在縣西南五十里閭江在其下故亦名閭江山上

有天井峯峯頂有石臺下有碧桃花塢有周塘澗山之陰爲長壽灣東爲虎嘯灣龍吟灣

萬厯志云山脈自天目廣德銅官馬脊渡湖而爲是山湖底山麓可涸而耕也

白石山其麓北屬胥山閭江在其南一名僕射山相傳漢僕射劉昌葬地訛爲白石亦稱白射

胥山在天井山之西閭江上亦名廟渚山頂圓平傳是子

胥屯兵處江上舊有闔閭城

案史記子胥既死吳王浮其尸於江吳人憐之為立祠於江上因命曰胥山舊志據以為證然閭江乃小水古未有指以為江者蘇州濱湖有胥山與吳江相近史記所云當是此山吳江即松江為古三江之一水經注引國語虞氏解曰松江北去吳國五十里江側有丞胥二山山各有廟是也以邑之胥山當之殆未是

賈山在胡山西北十五里石多空嵌東有神廟墩

長腰山在賈山西上有長腰嶺其西為安陽山

安陽山在縣西北五十一里周十八里高百二十仞其麓

與長腰相屬圓峻而銳上謂之文筆峯風土記稱武王

封周章少子贊於此今祠墓在焉或云山在陽湖上故

名山石可作器自漢世已采之別詳物產至今不竭正嘉以

後山凡三崩云上有三十六洞今存者五曰九門張公

甘艸清水容春下有觀音巖南麓有翠微院元末莫天

祐屯兵山下旁有山曰苦庵

獨山在縣西南十八里獨峙湖中北對管社為浦嶺門俗

名廟門亦曰北獨山門南對充山為獨山門五里湖之

水自二門西達震澤是山實當其衝

三山在獨山門外鼎立湖中東為東鴨西為西鴨大吼小

吼在其西

充山一作衝山下有曹灣自曹灣而下皆平壤有巨石突

出俯瞰湖流曰鼉頭渚鹿頂山與充山接其南為朱山  
朱山一名朱墓山虞俊葬此光武以朱旛表其墓故名今  
稱虞家山其南為漆塘山

漆塘山一名寶界山又名漆渰在縣西南二十五里自獨  
山至此皆東臨五里湖西浸震澤上有太白老人躍鯉  
等峯下有狗腸塢東南為石塘山

石塘山當長廣溪之口下有石塘故名山麓有徐偃王廟  
故又名廟塘山北有山門嶺通漆塘咸淳志作廣塘山

路耿山在石塘山南去縣西南二十五里前俯長廣後臨  
太湖環以層巒是山特高出其上有龍王祠故又名龍

王山旁有董塢磨盤嶺下為羅嶺達石塘旁有小山無  
名曰野山通許舍前後庚午志有茅延山在漆塘之南開化志云即路耿山

大浮山二名大坯在路耿山陰其西別有大石峙湖中曰  
小浮

許舍山在路耿之南羣峯盤旋結為深谷宋待制蔣璠學士許德之侍郎  
施垌尚書九表皆卜築其中東有湯村嶺窰窩嶺

南橫山在縣南三十里許舍山南東臨長廣溪山麓巨楓  
二相傳宋時物大可圍四人枝生芸香下產硃砂有硃

砂墩山下名橫塘  
嘉慶志云開化志有南山接路耿山臨長廣溪山之陽為南橫山西為洞山中為洞菴嶺越嶺為黃柴塢東達

菴堂橋南達赤石嶺西達軍將山前志俱不載附錄以備考

五浪山與軍將山連由湯村嶺發脈南下支峯五道如疊

浪故名下有芮家嶺西有石人塢

羊祁山在大浮山南南接軍將西臨太湖

軍將山一名軍帳在縣西南四十里濱太湖南唐屯兵於

此以備吳越故以軍將名山下有甲仗塢教場紫官來

塢竹筍塢旁有南北兩象山左右列如環衛然山脈南

下分三支一西行抵吳塘門一東行達蝦鬚塢

龜山在五浪山南南橫繞其東軍將峙其西前臨曠野界

以清流

白茅山一名白旄在軍將山西南有嶺通五浪諸山曰赤

石嶺山下有蓮花紫

裏山在軍將東南下有澗雨後羣山之水並入此澗以

達於長廣溪其東為過山諺云橫山出雲過山笑過山

出雲雨便到土人以占雨候兩山間有廟山

長泰山在裏山南其南為小南山

吳塘山在白茅山南去縣西南四十五里山脈自充山來

連亘起伏至是少斷下為平疇去三里許為長廣溪入

震澤口曰吳塘門橋其上以徑鵝鴟山其東有倉前山

西為社山與社山隔水相對者曰長山二山扼吳塘門



之口號日月捍門

鴉鵠山亦名伏虎今稱南山與吳塘山南北相望自是而南有通行低嶺名小山頭又南曰鳳凰山

沙頭山一名廟山又名白龍山與鴉鵠山相近其最高頂名大觀山旁有錢桃塢其南為沙嘴山一名沙渚東接長廣周皆入湖

康山亦作糠山在沙頭南相傳尹蓬頭寓此上有迎仙亭懸廿丈許一片攢石名浮停山其東為金雞山又東南湖面露石稜若帶者為米山

竹山在沙嘴之南三面抱湖下有劣嘴巨石立水次如虎邱千人石而廣袤倍之又其西三峯相連者為拖山且

嶧分脈為橫山蜿蜒南行六十里至是而止

琴山在五里湖東北隔湖與漆塘山對下為青祁村西接西高山在縣北二十五里中峯曰靈龜北峯曰鳳凰山頂

有仙人禮拜石石上有跡類人叩顙及當膝處相傳東漢高岱居此山後即葬焉故名高山邑東有膠山土音

高與膠同故以西別之

以上無錫

金匱山一名紫金山在城中第六箭河北岸舊為邑之鎮山高踰三仞周三十丈隆然中峙四望道里適均相傳郭景純嘗埋黃金符匱於山下時有紫氣騰上故名土

中石玲瓏黑白亞於崑山元以後取石殆盡而土亦耗

減塊若覆釜明永樂中知縣盧克敏除瓦礫加善土而

築之綴以太湖石今在秦氏宅曰金匱山房僅一卷耳

埃山一作縵山俗名吼山在縣東三十里吳地記周七里

高七十丈登其嶺可望虞山南徐記埃山北有白石峴

又龍腿山在埃山東雞籠山在龍腿東其麓皆相接

有西園處士錢華別業華宏治間人與華津錢榮同里時號錫山三德士

膠山在埃山東北周九里高九十丈相傳與惠山東西對

峙至其寺門向背比較不失尺寸上有獸蹠痕俗稱金

牛跡舊產薯蕷充貢山下安氏世居之其西峯曰鳳凰

山當雞籠之東旁有甌匱山插旗山

白擔山在埃山之南數里山出青石其東北為奈山訛為

塗山康熙前諸志皆作白擔山

奚山在白擔山東與奈山接亦名鼎山俗呼諧山一作鞵

山

嵩山或作松山南徐記一名少孤山在縣東四十里奚山

之東相傳蕭梁時有嵩頭陀開山建寺故名上有留雲

洞

石室山在嵩山之東俗名石脊山出青石

皇山一名鴻山在縣東五十里吳地記云泰伯宅東九里

有皇山高十丈劉昭亦云縣東皇山有泰伯冢一名吳王墩西即梅里平墟相距正九里東嶺有泰伯井滌硯池或云梁鴻居此故又以鴻名

春桂山鷺湖中小邱也

芙蓉山在縣東北二十五里周八里高三十丈清明節士女咸集故又名清明山上有二土邱曰龍井峯天乙峯有石高六七尺者二俗呼石公石母二石對峙中通人行又有石曰金雞山之西麓有田一規名彈子邱中有土壠圓轉若彈丸人不敢近壠而鋤以為鋤輒有蛇虺出焉當芙蓉湖未湮時茲山蓋近在湖上故因湖以為

名其曰余容又曰余洪皆音之訛也山下有繡毬墩

案舊志載有七雲山在縣東四十三里蓋始於宏治志萬曆志因之而謂邑東四十里無是山或是堠山之別名前後庚午志遂以為堠山一名七雲山而引寰宇記七雲山在縣東北二十里亦不合嘉慶志固已懸舉其說而疑之是矣今以寰宇記所稱方向道里按之與芙蓉山差近芙蓉山亦名清明山與七雲音亦相類况芙蓉之名因湖而得或非山之正名豈是山本名七雲而訛為清明耶

夾山在斗山之南其東北為前山又北為黃文山俗稱黃梅山又為白石山石皆頑而頽不產林木黃文山半屬

江陰

案黃文山今土人謂之黃玫山疑本作黃玫前人誤為黃文而遂以黃梅為俗稱也然舊志皆曰黃文山故仍識於此

斗山在黃文山之西去縣東北四十里其脈自江陰花山來長九里山頂自南至北有土邱七象北斗故名山多白堊朱石中有黃腰嶺西通牛塘山山之東爲回山土人合名之曰回斗山其北有觀基山洞虛宮故基存焉又西有枝柚山一名梔子山多產苦梔相傳宋時花大如甌香聞數里名碧甌梔子二山皆回斗之支山

顧山在縣東北六十五里跨金匱江陰常熟三縣境一名

馬婆山又名香山

以上金匱

墩附

黃埠墩在運河中流寺塘涇口形家言河勢直下而益廣

須以此砥之故謂黃埠墩爲天關太保墩爲地軸墩圍而小風帆左右帶以垂楊中楹爲佛殿周廊四匝上有文昌閣水月軒環翠樓康熙乾隆間累遇

南巡皆駐蹕於此咸豐之季燬於粵匪同治初巡撫李鴻章始建復焉

太保墩舊名窰墩運河北來至是分流入梁溪而墩實當其衝西南爲西定橋後倚城堞進西水關百餘武卽太保秦端敏金居第是墩蓋嘗屬之故名今有西水仙廟俗又名水仙墩

仙蠡墩一名仙女俗傳范蠡載西施所泊處高十餘丈梁

溪經其北下舊有伍相祠後為張氏別業既又廢為葬

地稍西為馬蠡港

嘉慶志云康熙志祇載黃埠太保仙蠡三墩迨乾隆志有聞見即登之要之各鄉墩名多係俗稱無關典要今仍舊志但列三墩餘概刪

無錫金匱縣志卷二終

無錫金匱縣志卷三

水

城中直河自北水關入直行出南水關亦名弦河以有弓

河箭河而名之故運河道也

宋單錫吳中水利書已有城中運河之稱元志斥瀆胡橋諸水皆東入運河倉前新河及弓河箭河皆在運河之東康熙志云唐鶴徵河渠說錫城久圯漕艘貫縣而行後因倭警築城運道乃繞城而東出是改從東路在嘉靖甲寅後也其自直河分流而

西者第一支出留郎橋西行循城而南為留郎河第二

支出泰定橋西合留郎河為斥瀆

元泰定二年鑿通直河

第三支

出胡橋西行為胡橋河經駐驄橋分二道一南行為營

河轉西經無錫縣治前為玉帶河一由駐驄橋繞縣治

後阜民臺合留郎河南行折而東舊與玉帶河會今塞  
第四支出水礎橋西行爲水礎河經城隍廟前抵西溪  
過迎溪橋與前西溪合爲荷花蕩轉而南入東帶河第  
五支出虹橋西行爲東帶河經學宮前過將軍堰橋納  
荷花蕩之水出西水關其自直河分流而東者一出打  
鐵橋東行爲沙盆潭循城而南過便民橋合直河是爲  
弓河一出盛巷橋經金匱縣治前轉北繞錦樹里會於  
沙盆潭入弓河是爲倉前新河別有箭河九道其次第  
自南而北第一箭河在邊巷今湮第二箭河在莊巷底  
今稱朱 僅通十餘丈第三箭河名冉涇向亦湮塞明邵  
賣煤兵

文莊寶居其上欲濬未果其後邑人尤盛明始鑿而通

於直河今稱新 第四箭河在楊家巷今稱藥 第五箭河

在董家巷今稱東 第六箭河名師古河秦氏世居之舊

善智尼菴故俗名師姑 第七箭河在福田巷今稱田 第

八箭河在東門街之北至韓脩橋而止第九箭河在盛

巷今河形已沒志外謂即倉前新河以盛巷橋跨此河

也然舊志皆別列倉前新河不在九箭 之數未

詳孰是相傳有九箭通出三公之謠今通直河者惟第

三第六兩河而已直河之西不通諸河者其水有二一

爲嚴家池在東帶河之南舊時嚴氏聚族居之廣十五  
畝通東帶河今纔一勺一爲高公止水在城南隅別詳

直河之東不通諸河者其水亦有二一為白水蕩在盛

巷西廣三十餘畝一為映山河在城東隅晴日見九龍

峯影故名旁有龍吻為衆溝道所注初名蛟河廣五丈

今亦湫隘康熙志稱蠡溪筆記云宋初僅一方池紹興間蛟起其中壤民居為長河

環城河自缸尖運河分支南行又分而西過外吊橋為外

城河亦稱新板橋河其循城而行者為西城河過西門橋分為

倉前河不遠而止又南行至太保墩分流西定橋為

梁溪別詳又南行束帶河出西水關來注又東南過南門

橋合直河東城河自東來會東城河自缸尖之東運河

分支出長安橋又分流接西城河又貫北水關而為直

河其東過北門橋環而南為東城河過東門橋至南水

關外而俱會合流南行過塙橋至黃泥橋口而羊腰灣

運河自東來會

按西城河實南北水驛舊并於運河條內稱運河分支繞城以城西水急故糧艘多走城東水道提綱亦謂運河至無錫城分絡而南是固統名為運河也乾隆志始以環城河別立條目而運河之名乃專屬城東矣

運河自陽湖縣界經橫林東南行入邑境分而南為西沙

港南入北陽湖東與陽湖縣分界為志公港東入北陽湖嘉慶志志公港北有東閘壩分自運河

而合志公港疑即舊時雙牌港分而北為北大河別詳又東經五牧分而

北為柳堰橋河過富莊橋合北大河又東南行分而北為石瀆亦名

西瓜瀆北會蔭橋柘塘諸水東通萬壽河分而南為花渡港南會細磚河又東通直湖港

東南經洛社石塘灣分而北為蠡口橋河通石又東南

經潘葑分而北為高橋河別詳分而西為小雙河西至社

湖又西過細磚為雙河別詳為新開河止於惠山之麓乾

橋合花渡港始又東南行至黃埠墩運河至此少寬俗稱芙蓉湖按

鑿湖非即以此為芙蓉湖成清志芙蓉河在北門通芙蓉

也蓋河湖音近而訛耳分而西為寺塘涇俗稱河塘止

山之泉滙而注焉其支南行過大德橋又東行分而北

納錫山之水引而為澣溪以達梁溪

為三里橋河別詳咸分而西南一繞缸尖一過長安橋

為環城河見又東過蓮蓉橋分而南出黃泥橋入環城

河分而北為轉水河別詳又繞而南過亭子橋至羊腰灣

分而東為冷瀆貫尤瀆及東亭河合毛道橋河東亭又

西南為南門塘環城河合流自北來會分而西為談渡

河出黃泥橋西入梁溪其支一為菰瀆亦為九里涇西

入梁溪一為永聖橋河南入九里涇葉長橋南過分而

東為泰伯瀆別詳又東南行分而東為王莊港亦名大十

伯瀆為小分而西為曹王涇南分二支為蠡瀆為梢涇

十字口為謝家河出謝家橋又東南行分而西為麪杖

港出小橋分而東為周涇北接鄒又東南行分而東為

宅基浜北合香涇分而西為新安溪別詳又東南經新安

分而西為徐陶涇過流潭橋莊橋又東南行分而東為

聖瀆西會宅基浜北會梅花浜小馬橋港東南行為唐

莊河為華長涇以入蠡河一支出顧市橋亦入蠡

水

無錫金匱縣志

卷三



河又東南過望亭豐樂橋分而東為蠡河別詳分而西為

沙墩港入太湖舊志沙墩港下別載烏角溪按烏角溪為長洲界通吳橋跨烏角溪分見疆域橋梁今

考沙墩港與長洲分界而通吳橋跨之是沙墩港即烏角溪也又東南行入長洲縣界

凡經行九十里

雙河自運河分支西過滙龍橋南納秋子瀆毛瀆之水小

雙河分流自北入焉又西過錢橋為陽溪隈湖分流自

北入焉又西為藕蕩過梢塘橋分二支為南北邗溝北

邗溝西過鄭店橋貫直湖港而西過新瀆橋西北經長

腰陽山之陰入南陽湖南邗溝一支南行達劉塘橋一

支西行過邗村三橋又西南過張舍橋貫直湖港而西

為花村河張橋河南來合之又西行過陸墟橋轉北為

察亭橋河入南陽湖

直湖港自北陽湖南行花渡港自東來合又南過南星橋

而北邗溝東來貫之又南過東塘華嚴等橋南邗溝東

來貫之又南經胡埭分而西北為張橋河又南過大西

溪橋經胥山之麓分而西為龍游河過周渡橋入陽湖縣界又東

南行為閭江亦曰水溜港入太湖

按閭江水溜名其實同故閭江橋跨水溜港互見橋梁舊志別載閭江謂其水來自毘陵戚墅堰今考武進縣志戚堰港南通直湖港與無錫接界是其上流亦別無所謂閭江也茲不復著又舊傳閭江頗廣後僅通舟咸豐之季嘗浚而深之

梁溪卽梁清溪廣十丈深三丈吳地記梁大同間重濬故名或言梁鴻曾居此自太保墩與西城河分流過西定橋談渡菰瀆先後來合西南行至仙蠡墩分而南爲馬蠡港別詳又西行分而南爲小渲爲大渲皆入五里湖又西行出後溪港入太湖梁溪之水東北風甚則由溪而出曰下湖水西南風甚則由溪而入曰上湖水旱澇資以蓄洩而濱溪居人多爲魚池日漸增拓溪爲所侵其隘處殆如小水云

元志梁溪繞惠山西南二十里唐鶴徵府志梁溪源出惠山其袤三十里乾隆志西門橋本名梁溪橋雙河口舊謂梁溪尾自雙河口而下統計之始與三十里之數合王志又云州人止稱西溪不言梁溪蓋當邑城未廓

時合城內之西溪皆梁溪也前志謂溪側有將軍堰今構石梁其上遺址尙存是卽東帶河之將軍堰橋耳

五里湖一名漆湖一名小五湖跨揚名開化二鄉北通梁

溪東通馬蠡港南通長廣溪西由浦嶺獨山二門入太

湖

馬蠡港亦曰中橋河自仙蠡墩梁溪分支南行過北橋中

橋南橋分而西入五里湖又南行至落星塘大橋梁墓

涇自東來會又南過仲八郎橋周倉橋與蠡口河合

按康熙志始以中橋名其河而但指入湖處爲馬蠡港繫於曹王涇條云梁墓涇西行貫中橋河爲馬蠡港入五里湖然入湖處在南橋其南會梁墓涇處在落星塘大橋已過入湖處數里故嘉慶志於此條增轉西爲馬蠡港之語而引萬曆志馬蠡港自梁溪仙蠡分流南行入五里湖是此河本不曰中橋河而曰馬蠡港也其南

會梁墓涇處即是馬蠡港無待於貫也又考康熙志橋梁內仍稱中橋跨馬蠡港於仙蠡墩仍稱稍西為馬蠡港今故兩存其名庶與他條相應

蠡瀆自曹王涇分支南行東納謝家河麴杖港之水過蠡

橋分而西為蠡口河別詳又南行新安溪東來貫之又南

過八字橋為赤城溪過新橋出大溪港入太湖明志稱新橋門

蠡口河自蠡瀆分支西行稍涇北來注之又西過錢秉橋

分而南入新安溪又西行馬蠡港北來合之分而南為

張橋港入太湖又西為洪邱渰又西為唐干渰合長廣溪

新安溪自新安運河分支出白龍橋西行徐陶涇南來注

之又貫蠡瀆而西蠡口河分流自北入焉又西貫張橋

港分而南為湖西埭入太湖又西行分而南為王子港入太湖

湖又西行唐干渰分流自北入焉又西合長廣溪

長廣溪長三十里廣里餘溪北口界五里湖有石塘互二

里許宋時並建三橋於此元末莫天祐毀橋塞湖以拒

明兵溪壅為患後復其一曰廣濟橋橋之兩旁仍別為

涵洞以分洩水有旋水潭三深不可測南行五六里納

許舍西來之水又南過橫山橋唐干渰東來入焉又南

過丁澤坊前等橋裏山大澗西來注之新安溪東來合

之分而南為唐漕港入太湖又南過瀆東橋折而西行分

而南為姚莊港為廟港皆入太湖又西行納倉前浜之水過

通湖橋出吳塘門入太湖石塘口號云石塘是鬼逆風  
順水蓋五里湖本不下長廣惟西南風甚則太湖水湧  
而上五里湖溢而灌於石塘舟自石塘南下為逆風而  
順水也

陽湖在縣西五十里以近於安陽山而名舊傳水至其西  
麓東西八里南北三十二里今多湮為平疇存者什一  
在東北為北陽湖西南為南陽湖與陽湖縣分界

太湖即禹貢震澤職方具區亦曰五湖周三萬六千頃跨

江浙二省之交在縣西南十八里絕縣之境四十五里

康熙志湖中夫椒山今名馬迹舊屬邑境今割入武進  
又引舊經云湖內有靈山去北岸一百里山中有靈山

寺舊為無錫  
後入晉陵水經注楊泉五湖賦曰頭首無錫足蹠松

江是也邑之富安開原揚名開化新安五鄉皆濱湖凡

西北境之水多入焉自雙河以下為  
運河西境諸水

史記正義曰五湖者菱湖游湖莫湖貢湖胥湖皆太湖  
東岸五灣貢湖在長山西西北連常州無錫縣老岸湖  
周迴一百九十里西連太湖舊志引此以湖之在無錫  
者為貢湖考乘據金友理太湖備考謂貢湖自吳縣之  
游湖口三洋蛟嘴北沿杵山馬山過長洲之龍塘金墅  
諸港口歷無錫老岸至竹山劣嘴止是竹山劣嘴以南  
為貢湖非湖之在無錫者皆貢湖也自竹山劣嘴西北  
歷吳塘獨山門至閭江口濱湖皆山無隄岸其非貢湖  
矣

北大河自五牧運河分支出薛家橋東北行合柳堰橋河  
過白沙橋為白沙圩分而南為蔭橋河合柘塘河東  
通萬壽河又

折而東經芙蓉圩大隄之南過九穹橋為五龍涇亦名五重

涇分而南為墓塘河東南行分為柘塘河又東北仍合五龍涇又東過通濟

橋合高橋河

唐平湖南通蔭橋河北過星橋通北大河初宋平南唐建

寺曰唐平元季大水淹寺基並旁地三十餘畝皆平沈

為巨浸因以寺名名其湖湖底有石檻碎鑪古樹盤根

康熙四十六年大旱猶見之乾隆志云所陷鱗字號田糧三十餘畝未詳請豁除

圖內均攤完納

高橋河即五瀉水俗稱白湯圩自運河分支出高橋東北

行分而南為西五了浜又北行分而西為梅涇不遠而

止又北行萬壽河挾石瀆柘塘諸水自西來合又北行

分而東為北張涇又北行分而東為石幢港又北行五

龍涇自西來合又北至四河口接江陰界是為江陰運

河而合

元志云五瀉水在州北一十四里天授鄉濶六丈深七

尺其源上湖大陂自五瀉口北岸行沂流四十里至江

陰晉陵兩縣界雉尾口從界北四十七里至申浦上口

北入大江朝夕所至可勝二百石舟舊有堰臨官塘名

五瀉堰宋元祐間治芙蓉湖為田置閘於此今則架橋

其上曰高橋而堰與閘俱廢又云舊有長渠在州東北

二十四里勝二百石舟入五瀉北行六十里而入江陰

軍驗其方隅遠近水力勝載當與五瀉同派而異名

咸塘河自三里橋運河分支西北行高橋河分支東南行

會於西五了浜分而東南為顧橋港其北行曰咸塘河

分而東為沌來廟河又北行北張涇西來注之又北行  
 分而東為張塘河別詳又北過胡家渡分而東入青魚蕩  
 又北過高陸堰橋石幢港西來注之折而東過馬鎮大  
 橋為江陰界河又東行分二支一支少北入西洋蕩屬  
 江陰一支少南為包堰河南會顧莊蕩水又東行八字  
 橋河南來合之又東為崇村蕩又東經斗山黃梅山之  
 北而合張涇之尾入江陰界

張塘河自咸塘河分支東行青魚蕩水北來合之埕影河  
 南來合之又東行過張塘橋嚴埭河南來合之又東過  
 姑里橋為闕莊蕩又東行為許塘河其由蕩北行入闕

莊橋為太平港舊名吳瀆港東北過太平橋上舍寺橋  
 分而北為顧莊河北通顧莊蕩亦名鄧蕩又東北行合八字橋河

轉水河自東運河分支北行過四保橋會顧橋港折而東  
 行分而北為五步塘別詳又東行為東五了浜一支北行  
 為嚴埭河合於張塘河一支東行少北為北興塘一支  
 東行少南為南興塘皆別詳一支南行為小河無所通

案轉水本支與分流四支合而為五了浜舊志一為五  
 步塘而不計本支微誤舊志又云五了浜南行為北尤  
 瀆貫冷瀆而南為南尤瀆達於伯瀆今考南興塘  
 有支河南行經尤渡橋疑即是然不在五了浜

五步塘自轉水河分支北行東納嚴埭河之分流北過范  
 砌橋為埕影河又北行經寺頭合張塘河咸淳志五部

湖在縣東北七里東西二十里南北一十里又引南徐

記稱其源濁而流清寰宇記五部湖在縣南七里南字誤今湖已湮土人

但稱五步塘亦謂五步河云

案舊志嚴埭河分支為埭影河五步塘北合埭影河考今圖五步與埭影直為一道以舊時五部湖南北十里計之埭影河正當其界故合為一條

北興塘自東五丫浜東行經桑園渡滙為楊婆圩分而北

為八字橋河西會許塘河北過八字橋黃姑橋會太平港而合包堰河又東經尤村

渡分而北為張涇東北經張涇鎮過晃山橋接江陰界西通包堰河北通長涇又東

南為鴨蕩圩分而南為潭塘河過查家橋東南行入南興塘又東行

出鮎魚塘南合芙蓉塘為盛塘河分而南入宛山蕩分

而北為潘市河別詳又東為界涇轉北繞羊尖鎮為羊尖

河其東南皆常熟界又西北行分二支合於潘市河

潘市河亦名蠡河方輿紀要宛山蕩北出為蠡河通江陰舊志潘市橋跨蠡河通江陰長涇自

北興塘分支北行過蠡橋潘市橋羊尖河二支先後自

東來合分而西為蘇塘河經東湖塘北通張涇又北過蠡澗橋分

而東為楊梓河過萬年橋通大河又北過張繆舍西湖塘等橋

東會大河南自常熟界來至王莊入邑境北行經陳墅而與潘市河會北入江陰界

案舊志包堰河條北興塘之盡折而西北過新橋又西

北行而張涇之尾來合又西北曰包堰是包堰固在張

涇之尾之西矣而北興塘條則云羊尖河折而西北曰

包堰是為西大河羊尖即北興塘之盡則所謂過新橋

而西北行者亦概指謂包堰矣然自羊尖西北至張涇

之尾其間經行約三四十里皆故懷仁鄉而橋梁內懷

仁之橋無有云跨包堰河者其跨包堰及西大河者皆在宅仁鄉今為懷仁上扇則故懷仁鄉之西境也舊志八字橋河北入包堰則在崇村蕩之西和塘橋跨包堰則在崇村蕩之東然則包堰實自馬鎮以東合張涇之尾非羊尖西北合張涇之尾也故吳中水利全書稱包沿河東段西段蓋即崇村蕩之東西也今改繫包堰河於咸塘河條內而於北興塘之次別列潘市河以補舊志之闕焉又考西大河即元明志之新河今之張涇也萬厯志新河南通尤村渡北入江陰界上有馬梓二堰康熙志梓堰橋跨西大河今陳家橋南有梓堰廢橋跨張涇證一也通志潭塘河自鴨城河旁注而北貫興塘港與新河接今北興塘至鴨蕩圩北為張涇南為潭塘證二也又通志江陰界內東新河由無錫經長河於谷瀆港入江南新河自西陽至習禮橋與東新河會長河自新河分流而西谷瀆港源自無錫經新河云云按其道則過習禮橋而分為長河又北通于谷瀆港者即張涇之北流過晃山橋者也蓋在無錫為新河在江陰為東新河而土人則統稱晃山橋南北之水為東清河證三也然則張涇之即新河殆無疑義方輿紀要及通志謂新河已湮者非也其稱西大河者蓋對乎陳墅王莊

之大河而名之耳又元志新河在宅仁鄉南通尤村渡北接潭塘河達大江其北接潭塘一語殊未合潭塘以南為梅里上福之境不屬宅仁去江陰絕遠又何云達大江乎元志誤也前後庚午志不載新河其元明志二條附見于嘉慶志北興塘條下茲復參以他說而證其為張涇仍附識以備考

南興塘自東五了浜東行過新塘橋分而南為東亭河

亭過江陂橋達伯瀆又東過鴨城橋分而南為毛道橋河

公橋自犁尖達伯瀆又東過石埭橋潭塘河自北來合又東過九

里橋為九里河分而南為奚山浜

繞奚山西麓會東西又東過西安中

分而北為橫塘

折而東經安鎮為芙蓉又東過西安中

安等橋分而南為走馬塘

出嵩山石室之間至分流口又東行納盛塘河北來之水過

蕩頗隘亦曰尤村河北

接宛山蕩南通蘇舍蕩

又東行納盛塘河北來之水過



關橋入宛山蕩

泰伯瀆唐刺史孟簡嘗開之亦名孟瀆自清寧橋運河分

支東行尤瀆北來合之又東行東亭河自北來合王莊

港自南來合又東過羊橋為坊前河分而南為鄒莊河

通周又東行鴨城諸水出許巷橋來會又東過蘇團橋

分而南為香涇會宅基浜又東過破塘橋經梅村泰伯

廟分而南為梅花浜通聖瀆又東為犁尖口分而南為安

樂浜又東過毛塘橋至分流口土名分龍口走馬塘自北來

合其合伯瀆處舊有外莊橋故亦稱外莊河分而南為北宅浜合梅花浜其東行

分二支一支直東為張塘河又東為蘇舍蕩北納八千

蕩之水又東行分而南入青蕩青蕩之東通鷺湖者曰延祥河南通楊巷蕩者

曰落埠河又東經蕩口鎮入鷺湖一支東南行為馬橋河分

而南為小馬橋港即舊志馬橋浜南通聖瀆又東過馬橋廟庵橋分

而南為九曲河東通楊巷蕩南達三歎蕩又東過磚橋為楊巷蕩又

南過坊橋達蠡河

蠡河即寰宇記之蠡瀆云是范蠡所開自望亭運河分支

東行經曹家渡楊家渡聖瀆之水出顧市橋來合又東

行華長涇亦來合焉又東經新橋渡三歎蕩亦作省伯灘蕩

瀆之水出坊橋來會又東達於曹湖是河南與長洲縣

分界東通常熟為常熟運河

案寰宇記蠡瀆去縣五十里又云泰伯瀆東連范蠡瀆皆謂今蠡河唐鶴徵河渠說及通志並以曹王涇分支之蠡瀆當之非是又潘市河一名蠡河運河分支有蠡口橋河曹王涇之蠡瀆又分為蠡口河泰伯瀆自坊橋達蠡河處又有蠡口橋其名皆易相混因並識之

芙蓉湖在縣西北隅古名無錫湖越絕書云無錫湖周萬

五千頃其一千三頃毘陵上湖也一名射貴湖寰宇記引越絕

書無錫湖通長洲多魚而甚清今越絕書無此語南徐記橫山之北曰上湖南

曰芙蓉湖水經注以射湖貴湖為五湖之二水經注別本作射貴

湖上陸羽惠山寺記稱其湖南控長洲東洞江陰北掩

晉陵云然自昔或陂而田之宋以來田者寔廣故元志

已云湖之經界漫不可考至明巡撫周文襄忱大治圩

田而湖始盡堙所謂芙蓉圩是也其間汶港縱橫多為

堰閘西北屬陽湖東接江陰南據大隄而通五龍涇東

南有楊家圩介墓塘萬壽之間今土人稱芙蓉為西湖

楊家為東湖舊時蓋皆湖地別詳水利

宛山蕩一名宛湖在縣東五十里宛山之陽北受南北興

塘之水遞而東南為陸家蕩江蘇新圖陸家蕩在宛山蕩北舊志及方輿記要皆

云在宛山蕩東南疑新圖誤也謝埭蕩方輿紀要舊名西謝滄白米蕩舊志又載宛山蕩西

盛塘河口亦有蕩名白米皆與常熟分界

鷺湖一名濠湖俗謂之鷺肫蕩在縣東南五十里西受伯

瀆青蕩諸水北由甘露接白米蕩南由界涇通曹湖東

與長洲縣分界

曹湖一名蠡湖云開自范蠡唐刺史孟簡導之亦名孟湖在縣東南六十里西納蠡河北通鷺湖其浸屬長洲惟邊湖一二里為邑境自北大河以下為運河東境之水

泉附

第二泉在惠山第一峯白石塢下唐陸羽定天下水品二十種以惠山石泉水為第二故又名陸子泉又張又新記水品其說與羽不同惠泉則仍居第二泉上有若冰洞人多言泉源所出然洞有水甚濁而不通二泉二泉伏涌潛洩畧無形聲池二圓為上池方為中池兩池中

隔尺許本有穴相通撓之則俱動而中池之味遂遠不逮上蓋中池便雜若冰洞水上池不雜故也水下流而不能逆上故不雜汲泉者瓶罍負擔不舍晝夜皆上池獨給之相傳宋高宗南渡嘗酌泉於此泉由暗渠東出吐注下池下池深廣方丈餘由是其流分為二北經黿池金蓮池出寺塘涇下運河康熙庚午志下雙河西道錫山澗沿洞以入梁溪溉田常數十頃宋聶厚載記謂此泉之甘實感錫氣苦井投以黑錫久而得甘查梅橙李和鉛霜食之則美蓋錫能變味云緯畧曰唐相李德裕好惠山泉嘗置遞取之皮日休作詩譏焉後有僧言長安吳天

觀一眼泉與惠山泉通李取稱量果等乃罷水遞或又傳元時嘗設稅而泉竭罷稅乃如故泉之上有亭亭之前有堂曰漪瀾宋蘇軾詩所謂還將塵土足一步漪瀾堂者是也明正統五年重建李東陽篆其門故有天下第二泉額則元趙孟頫書康熙二十三年

聖祖南巡幸此先汲泉以進

兩宮然後酌而嘗之二十八年二月還自會稽復臨泉上御書品泉字命前諭德秦松齡刻扁漪瀾堂乾隆十六年至四十九年

高宗六巡江浙屢駐蹕焉嘗重書漪瀾堂額並顏以淙雲

一二字

睿藻品題前後稠疊蓋前此未之有也咸豐十年遘亂燬

廢同治初巡撫李鴻章於惠山寺址創立淮湘昭忠祠而為門以通泉上由是亭與堂得復建

亭舊製以木乾隆中知縣吳鉞始構石亭今仍以木為之凡貯泉取本池石子置盎中則久而不壞

又遠攜味或小變有洗泉法入以他水而攪之俟其凝定他水皆上浮傾出之泉以重而獨沈甘若新汲矣

若冰泉在二泉之上唐詩僧若冰斲巖得之故洞及泉並以冰名亦稱北巖洞池廣方丈水頗濁舊有刺史獨孤及碑今不可攷

龍縫泉在春申澗上碧山吟社之左自石隙中出深廣可三尺一名龍淵

羅漢泉在惠山寺殿後右隅山僧真恩嘗構亭覆之乾隆間邑人楊孝先建朱衣閣於泉上因名曰朱衣泉秦蕙田有記今屬昭忠祠

龍眼泉在大同殿後本梁大同間鑿亦名大同井  
惠照泉宋天聖間僧惠照者斲地得之今湮塞

松苓泉在聽松菴右景泰間邑人盛顒因泉出松根鑿池引之王鏊有記

遜名泉在尚德書院前正德五年浚

滴露泉在尚德書院點易臺之下邵寶將策臺詩有安得泉聲一道來之語忽有涓流出於石間乃引而名之

瀘泉在至德祠舊屬愚公谷鄒德基嘗書唐李洞掃石月盈帚瀘泉花滿篩一聯於泉上之枝峯閣因以名之

松泉在竹鑪山房上有王澍篆書松泉二字今屬昭忠祠  
珠簾泉在惠山石門水簾洞

鳳泉在石門石壁生鐵線影入泉中作飛舞狀  
淮海泉在惠山秦觀墓左右石壁下裔孫瀛謁墓得之因名

曰淮海泉  
靈泉在錫山東嶽廟右廡之前亦曰聖水井

雲泉在張中丞廟前萬曆十五年山僧導溝得之

錫泉在錫山半山亭之下乾隆二十七年無錫知縣吳鉞

於此掘地得泉因刻錫泉二字於石

仙姑池在錫山石浪菴之前乾隆三十年邑人秦瀛偕劉

松苓鮑汀信宿是菴見灌莽中有泉噴出搜剔得石石

上有仙姑池三字甚古莫知其名所自

舊志作女姑今據碑文改

王公泉在松滋王公祠遺愛堂右邵涵初有記

洞酌泉在璨山舊有亭其西又有邵公泉

通惠泉在寶界山宋錢紳去官歸隱其地紹慶三年得泉

於巖下甘冽亞惠泉因名之

玉泉在錢橋玉泉菴喻樛嘗讀書其地故以為號水甚甘

列

綸泉在白茅山蓮花菴之南瑩石如井

雲液泉在管社山

永思泉在西管社山王穎銳濬築亭覆之吳鼎為之銘

天井泉在閩江山西麓向有二今湮其一

孝子泉在康山邑人秦勵廬墓於此而泉出故名

惺惺泉在城內胡橋北咸淳志沈橋旁有星星泉是也歲

久湮失成化中邑人楊琛掘地得之而覆以樓康熙中

顧貞觀重浚今又廢

梧桐泉在城內靈官廟左廡相傳禱飲能愈疾有梧桐一

株蔭其上因以名之亦曰益壽泉道光十九年重濬巖

蔡有記以上無錫

寶乳泉在膠山寺左廡唐咸通中建寺得此泉於山竇間

因名宋尚書郎閩人翁挺構蒙齋於其上

滌硯泉在膠山寺世傳蕭侍郎滌硯之所有亭曰硯水

靈鈞泉在膠山元武祠南明俞泰有記

華子泉在皇山華幼武嘗闢園於此浚而甃之作亭於上

正德間莫止名之曰華子泉舊志以此為泰伯井或謂梁鴻井皆未是說見古蹟

泠泠泉在嵩山以上金匱

龍湫附

龍湫有八一在龍尾陵道一在安陽山一在軍將山一在

章瀆圩一在湖上圩一在芙蓉圩南以上無錫一在芙蓉山

一在顧山以上金匱

Blank page with faint bleed-through text from the reverse side.

水利

無錫故水區也芙蓉號巨浸自春申治陂閱千餘年而胥爲南畝陽湖五部亦多就湮蓋稼穡之利博矣然制隄防宣壅閼早澇之備宜以時籌非是則農亦病若夫望亭五瀉嘗建牖濟運論者謂其脩撤關數郡之利害今遺蹟久廢而河運亦改焉此又古今之遞變歟志水利第四

越范蠡伐吳開瀆因名蠡瀆亦曰范蠡瀆

見寰宇記

楚黃歇治無錫湖立無錫塘

越絕書無錫湖者春申君治以爲陂鑿語昭瀆以東到



大田田名胥卑鑿胥卑下以南注太湖以寫西野去縣

三十五里又云立無錫塘去吳百二十里

吳校尉陳勳導長廣溪

舊志長廣溪陳勳所導謂本吳地記而不載其時考乘云吳志赤烏

八年使校尉陳勳將屯兵三萬人鑿句容中道以通吳會船艦吳分無錫以西為屯田置典農校尉導長廣溪當即其時

晉張闔治芙蓉湖

南徐記晉張闔嘗洩芙蓉湖水令入五瀉注於具區欲

以為田盛冬著赭衣令百姓負土值天寒凝沍其功不

成嘉慶志云晉元帝大興四年侍中張闔出為晉陵內史闔曲阿新豐塘溉田八百餘頃見府志名宦闔疑即闔赭衣疑赭衣漢書南粵王傳師古注以綿裝衣曰赭今案張闔晉書有傳

宋元嘉中脩陽湖堰得良疇數百頃

見方輿紀要舊志作元嘉二十二年

梁大同中浚溪因名梁溪

咸淳志引吳地記古溪極陜梁大同中重浚故名嘉慶志大同

元年遶惠山濬溪

唐景龍二年置將軍堰開

咸淳志在縣南二里祥符經云唐將軍單雄信提兵道此以鎗

止水為堰故名景龍二年置開在北岸案縣南謂縣治之南今東帶河堰橋是也單雄信未嘗仕唐迹其生平從瞿讓李密王世充轉戰所歷皆不涉江南決無提兵過境之事其說不足據

至德間置望亭堰

見宋史何渠志舊志作隋至德其誤始於咸淳志

元和八年常州刺史孟簡開泰伯瀆

見唐書地理志

寰宇記泰伯瀆西帶官河東連范蠡瀆澱塞年深粗分

崖岸元和八年刺史孟簡大開漕運長八十七里水旱

無虞百姓利之

咸淳志稱寰宇記云瀆乃泰伯所開今考寰宇記無此語

宋淳化二年詔廢望亭堰

見咸淳志

嘉祐間浚運河導太湖水遂廢望亭閘

見咸淳志

熙寧元年提舉兩浙開脩河渠胡淮請脩望亭堰詔從之

見宋史河渠志

又凌民瞻建議廢呂城堰又即望亭堰置牖而不用及

因濬河墮敗古涇函石牖石礎河流益阻百姓勞弊熙

寧二年三月凌民瞻等貶降有差

亦見河渠志

八年大旱運河涸知縣焦千之以梁溪水灌而通之

單鏐吳中水利書竊觀無錫縣城內運河之南偏有小

橋由橋而南下則有小瀆瀆南透梁溪瀆有小堰名曰

單將軍堰自橋至梁溪其瀆不越百步堰雖有亦不渡

船筏梁溪即接太湖昔所以為此堰者恐洩運河之水

昔熙寧八年大旱運河皆涸不通舟楫是時鏐自武林

過無錫因見將軍堰既不渡船筏而開是瀆者古人豈

無意乎因語邑宰焦千之曰將軍堰接運河去梁溪無

百步之遠古人置此堰瀆意欲取梁溪之水以灌運河

千之遂率民車四十二管車梁溪之水以灌運河五日

河水通流又云昔熙寧中有提舉沈披者撤去五瀉堰

走運河之水北下江中遂害江陰之民田為百姓所訟

元祐中堰芙蓉湖為田置蓮蓉閘斗門閘以殺芙蓉湖水

咸淳志蓮蓉閘在縣北二百五十  
五步斗門閘在縣西北四十里

紹聖中浙部水溢轉運副使毛漸開蓮蓉河入大江

見宋史毛

漸傳不載其年上稱漸元祐初知高郵軍故舊志繫於  
元祐初方輿紀要則云宋會要元祐中堰芙蓉湖為田  
紹聖中轉運毛漸復奏  
導芙蓉湖入江今從之

元符中知縣趙伋興濬水利

舊志作二年案職官  
表伋以三年任事

將仕郎郊僑以蘇湖常秀等處多水患議以望亭堰屬蘇  
州而決五瀉堰以洩常潤之水

僑議曰浚無錫縣之望亭堰俾蘇州管轄謹其開閉以  
遏常潤之水則蘇州等水患可漸息而民田可治矣決

無錫縣之五瀉堰使水趨於揚子江則常州等水患可  
漸息而民田可治矣常潤之地比蘇州為差高而蘇州  
之東勢接海岸其地亦高蘇州介乎兩高之間故每遇  
大水無緣通泄若不令蘇州管轄望亭堰閘則無復有  
防遏之理故愚乞謹守望亭閘俾水無西衝之憂既望  
亭之西自有五瀉堰可以決水徑入北江若使常潤之  
水決下此堰則不惟少紓蘇州之水勢而常潤之水亦  
可以就近順流而入於江矣此堰決水其勢甚徑往者  
官吏非不施行然決堰未多而民田已沒何也蓋止知  
決堰而不知預築堰下民田之岸以防水勢故也

方輿紀要謂邾僑此議在熙寧末舊志因之今案僑父  
曾於熙寧間上言水利元豐初罷奪天下郡國利病書  
稱僑自曾卒後嗣緝其說則非熙寧時可知  
又其篇中有元符初云云是在元符之後也

政和六年發運副使應安道請常州望亭鎮仍舊置牐詔  
戶曹趙霖相度役興而擾尋罷之

見宋史  
何渠志

乾道六年五月築五瀉上下牐

宋史河渠志以兩浙轉運司並常州守臣言填築五瀉  
上下兩牐及脩築牐裏隄岸仍於郭瀆港口舜郎廟側  
水聚會處築捺硬壩以防走泄運水委無錫知縣主掌  
鑰匣遇水深六尺方許開牐通放客舟

淳熙九年知常州章冲奏請設望亭堰牐詔相度開濬

宋史河渠志章冲奏望亭堰牐置於唐之至德而撤於  
本朝之嘉祐至元祐七年復置

按熙寧元年已脩  
堰蓋未置牐也

未幾

又毀之臣謂設此堰牐有三利焉陽羨諸瀆之水奔趨  
而下有以節之則當潦歲平江三邑必無下流淫溢之  
患一也自常州至望亭一百三十五里運河一有所節  
則沿河之田旱歲資以灌溉二也每歲冬春之交重綱  
及使命往來多苦淺涸今啟閉以時足通舟楫後免車  
畎灌注之勞三也

十一年冬臣僚請修五瀉牐上然之

宋史河渠志淳熙七年帝因運河有淺狹處令守臣以

漸開濬十一年冬臣僚言平江至常州有楓橋許墅烏  
角谿新安谿將軍堰各通太湖如遇西風湖水由港而  
入皆不必濬惟無錫五瀉插損壞累年常是開堰徹底  
放舟更江陰軍河港勢低水易走泄若從舊修築不獨  
瀦水可以通舟而無錫晉陵間所有楊湖亦當積水而  
四旁田畝皆無旱暵之患

嘉泰元年守臣李珪請修建望亭上下牐從之

宋史河渠志李珪言漕渠東起望亭西上呂城一百八  
十餘里形勢西高東下加以歲久淺淤自河岸至底其  
深不滿四五尺雖得雨水無所受旋即走泄南入於湖

北歸大江至若兩旁諸港如白鶴谿西蠡河直湖烈塘  
五瀉堰日為沙土淤漲遇潮高水泛之時尚可通行舟  
楫若值小汐久晴則俱不能通應每遇水澀網運便阻  
一入冬月津送使客作壩車水科役百姓不堪其擾豈  
特漑田缺事而已望委轉運提舉常平官同本州相視  
漕渠並徹江湖之處如法濬治盡還昔人遺迹及於望  
亭修建上下二牐固護水源

明洪武二十五年濬新河

見萬厯志案元志新河宋建炎  
間金烏珠為韓世忠所困一夕

開此達大江遁去此蓋因金人鑿老鶴河之事而誤  
也故方輿紀要不取其說但云南宋所開差得之

宣德中巡撫周忱治芙蓉湖為田

以芙蓉湖田歲久湮廢乃築溧陽東壩以捍上水開江陰黃田諸港以洩下流於是湖之淺處皆露築隄成圩

西湖芙蓉圩為田十萬八千餘畝折平田七萬餘畝屬

無錫者三之一為田二萬餘畝東湖楊家圩為田四萬

七千餘畝識小錄芙蓉圩四圍隄岸濶一丈八尺高八尺內帮子岸高四尺中間界隄濶一丈二尺

高六尺圩形如坦盆四圍稍隆起中心極窪下內四周作抵水岸逐層而下若樓梯然雨至未滿二尺猶微露岸形若水逾二尺則各岸平沈汪洋一片更淫潦不止外水衝入則圩民胥為魚鼈故防守隄岸最為緊要

成化二年知縣佟珍濬走馬塘南自張塘北至馮堰長十

三里廣六丈邑人趙汝明捐貲獨濬嘉慶志云職官表佟珍在成化十一年

按南自張塘北至馮堰其長奚止十三里吳中水利全書南北走馬塘共五千餘丈是也今走馬塘北自

南與塘南至伯瀆之分流口接張塘河約十餘里疑即明時之南走馬塘也其北走馬塘蓋北至馮堰今未詳

嘉靖二年工部都水司郎中林文沛開常州府河瀆檄無

錫縣開閩江港二百四十五丈又開西新河永安河包

沿河蘇塘河共長一萬二千五百三十一丈以洩運河

之水使歸常熟宛山蕩散出白茆諸港

八年知縣鄧繼曾脩芙蓉湖隄

萬曆八年武進丞郭之藩築芙蓉圩隄

動支河工銀五百三十八兩借給倉穀二千四百餘石

分撥武進無錫二縣脩整隄防周圍六十餘里築二縣

界隄長十餘里北障江潮南捍湖水自是皆成腴產

十年縣丞楊春光修芙蓉湖隄十一年知縣李復陽詳請  
官錢相繼修築

三十年知府歐陽東鳳請官帑築南塘內外諸岸修圩田  
洞開

又邑有魏國公莊田二千餘畝比民田高二尺莊官恣  
橫旱則決塘引灌潦則洩水民田大爲民病東鳳不畏  
疆禦判民於莊田北築新壩抵之

三十七年知縣許令典濬丹涇河  
天啟二年知縣劉五緯修築北塘鷺子岸三百二十餘丈  
人名之爲劉公塘又修芙蓉湖隄

時躬率芙蓉湖民併工挑築圖設木櫃以收門稅令編  
戶自投有夫役之費則發之多置堰牖分立小圩互相

防禦  
崇禎六年常州府通判劉鱗長濬城河自北大橋起至南  
跨塘橋長四百九十五丈

七年巡撫張國維巡按祁彪佳檄知縣陳志忠濬運河自  
錫山驛起北至洛社遇淺開濬共長五千二百十三丈  
國朝康熙九年夏大水壞芙蓉湖隄知縣吳興祚修之  
凡捐俸米三千三百六十石給散飢民興修圩岸勸各  
田主每畝出傭米三升給佃併力挑築計其隄工每日

三千五百六十三名自十年二月起工至四月乃竣編設圩長三十六名岸甲一百八名照田分派督催凡充圩圖之役者專值隄工優免雜項差徭

探湖錄芙蓉圩周圍六十一里武進四十一里在北段及西南今屬陽湖管無錫二十里在東南一隅中為廿家壩

兩邑界岸共計一千七百九十二丈五尺東南隅圍岸包百小圩共計二千三百八十九丈六尺屬青城鄉八一八二八三八四八五七二等圖有中瀾港東瀾港諸家壩三廂龍潭二處西北址武進界河東址五龍涇南堤窪下支河交錯防禦尤難東湖楊家圩圍堤大岸九

千六百八十餘丈內大小五十六圩各分界岸統共三十四萬五千六百八十二丈三尺屬青城鄉六一六二六三七一七三萬安鄉九一九四等圖有八廂三十八

壩龍潭二處東址江陰界東即高橋河尚非江陰界東北四河口乃為江陰界也

南由五瀉湖出高橋西南址萬安鄉通石瀆西抵前洲通乙虞橋西北聯芙蓉西湖和尚圩之五龍涇北址江陰芙蓉湖十七圩一名馬家圩東北址四河口圩地外高內低形如仰釜漸進漸低內畫縱橫水岸如遇水漲高水不入於中中水不入於下下水不入於低每年冬水既涸春漲未來起土挑築一律鞏固毋致一堤滲漏



全圩受累則湖民安堵無恐

楊家圩有章濱河東西三里南北圩田藉以蓄洩其

東西各有大壩東壩有旱洞通流內灌諸圩澇則兩壩各設車戽水禁私築腰壩以致阻塞

二十年巡撫慕天顏檄修芙蓉湖隄委糧道劉鼎督之

時知縣曾子駒設法購料散給口糧通計各圖各甲照

田均派將圩中小岸專責佃農外圍大岸種田者築三

之二輪役者築三之一令圩長岸甲督率併力修築其

派修之法每圖均分十段以十甲挨次任修惟萬安九

一圖號字界內有東龍潭漁潮頭圩等處河濶水險施

工為難不得視他圖均派因酌難易以定分段易者其

段羸難者其段狹於吳公生祠分寫十闔十甲公拈照

闔分修有田在此而所分在彼者不得私自更易

三十一年知縣徐永言開濬羣河南北淺處共四千九百

餘丈

雍正十三年知無錫縣吳翼祖濬九里涇河自莊橋起至

翠雲居長九百八十二丈

乾隆五十年巡撫閔鶚元檄濬五牧洛社運河凡四千丈

道光九年開望亭轉河

自馬王浜分運河水南由萬寶涇仍合運河此道舊志新圖皆未載

運河至望亭束於豐樂橋水急湍悍不利舟楫其東舊

有萬寶涇北連馬王浜淺窄不能通舟邑人趙漢侯集

貲開濬知縣徐家槐立碑豐樂橋下

十七年濬西溪自荷花蕩以東至水碓橋築岸百有十丈  
同治四年濬城中諸河

自經粵匪之亂城河穢塞至是始挑濬之出骸骨無算  
十三年冬知金匱縣廖綸濬金匱諸河刊發開河章程

光緒元年知無錫縣廖綸修楊家圩隄築北塘岸

附河形 據張國維吳中水利全書所載明隆萬間官核丈尺可為後來疏濬之式

邗溝 自北控江門入至出望湖門長五百九十九丈底濶三丈三尺案此即城中直河其謂之邗溝者蓋直河舊為運道而吳郡圖經續記以蘇常運河為古邗溝實則古邗溝乃今淮揚間運河與江以南運河無涉也

弓河 遶東迤北長一千九百五十丈底濶三丈五尺

再涇河 長四百二十丈底濶二丈五尺

第六箭河 長三百十丈底濶二丈七尺

第七箭河 長三百三十丈底濶二丈三尺

第八箭河 長二百六十丈底濶二丈五尺

億豐倉河 長三百六十丈底濶二丈五尺

斥瀆 長二百七十丈底濶二丈三尺

留郎橋河 沿西北城之南之東圍環縣治而東轉北出營河長一千一百丈底濶三丈四尺

營河 長三百七十丈底濶二丈二尺

水碓河 長三百七十丈底濶二丈二尺

玉帶河 長七百七十丈底濶二丈三尺

右城內河

南門釣橋河 長七百五十五丈

石灰橋河 長二百五十五丈底濶二丈支河三丁家浜長四丈五尺底濶一丈二尺 演聖橋河長六十八丈

西墩河長六百丈底濶一丈九里

百瀆港口河 長七丈六尺底濶二丈五尺

百瀆橋河 百瀆橋下起小十字口止河長一千五百九十九丈底濶二丈支河七 孫冠浜長四丈底濶六尺

王家浜長三十二丈底濶五尺 袁家浜長五十二丈底濶五尺 大墩浜長九丈五尺底濶六尺

韓家浜長五十五丈底濶五尺 張家浜長十丈底濶四尺 費家浜長二十丈底濶五尺

蘇團河 長六百七十二丈底濶二丈支河六 許浦長二丈底濶八尺 破塘浜長七十丈底濶五尺 陶潼浜長四十丈

香涇河長三百丈底濶五尺 臭瀆浜長二百二十丈

底濶五尺

南走馬塘 長三千四百一十五丈 七尺五寸底濶二丈

北走馬塘 長一千七百八十八丈底濶一丈五尺

包沿河東段 長六百七十丈底濶三丈

包沿河西段 長六百五十丈底濶二丈五尺

信義瀆 長八百一十三丈底濶三丈

北邦溝 長三千丈底濶一丈五尺支河三十九 瀆東浜長一百二十丈底濶一丈 雙排河長八十三丈

徐陶涇長六百三十三丈底濶六尺 香涇河長三百丈底濶六尺 錢橋河長三百五十五丈底濶一丈 新瀆橫

行河長八百三十丈底濶八尺 蔡亭河長三百二十丈底濶一丈二尺 郭村朱莊浜河長三百八十八丈底

馮橋河長四百二十丈底濶一丈 負來河長九百丈底濶六尺 陸墟唐家浜河長四百五十丈

楊架橋河長三百四十丈底濶一丈 胡底濶六尺

埭河長五百三十丈底濶二丈 劉唐河長三百六十丈底濶六尺 丁村浜長二百五丈底濶六尺 陸家浜長三百丈底濶六尺 前章浜長六十丈底濶七尺 掘頭浜長五十丈底濶八尺 沙頭浜長五十丈底濶七尺 橫山十丈底濶八尺 菴頭浜長二十丈底濶八尺 楊家橋長一百丈底濶九尺 楊家橋沙墩河長三百七十丈底濶九丈底濶九尺 楊家橋長一百丈底濶九尺 曹宅河長五十六尺 午干涇長三百丈底濶一丈 朱塘橋河長三百二丈底濶一丈二尺 王港涇橋長六百丈底濶一丈 章家浜長一百五十五丈底濶八尺 楊家浜長二百丈底濶八尺 坊橋河長二百五十六丈底濶一丈六尺 胡家浜長一百五十五丈底濶八尺 白泥堰河長五百三丈底濶一丈二尺 胡家浜長一丈六尺 壽山浜長二百九十五丈底濶六尺 顧港浜長二百六尺 嚴埭河長一千三百丈底濶一丈二尺

花渡河 長七百丈 底濶二丈

李富涇河 長五百五十丈 底濶八尺

右城外各鄉河

無錫金匱縣志卷二終

無錫金匱縣志卷四

城郭

梅里泰伯舊都於邑為最古厥後黃歇城故吳墟則有黃城然皆非今城其詳別見於古蹟今之城蓋自秦漢置縣始越絕書所載是也茲用搜討故籍而參證之其宋以來繕脩改築之可考者亦具焉志城郭第五

舊志宋以前之城不詳其所在疑越絕書所載未必今城按越絕書無錫城周二里十九步高二丈七尺門一樓四其郭周一里百二十八步牆一丈七尺門皆有屋是書成於漢人則城為漢城南徐記縣舊城基也是南



朝因之也唐李吉甫元和郡縣志無錫漢舊縣也吉甫此志凡今昔有異者必詳其故城之所在此不言故城明其城即故城也是唐亦因之也唐書地理志秦伯瀆在縣南五里陸羽惠山寺記寺在縣西五里與今城合然則自漢以來城固未嘗易處矣咸淳志城在運河西梁溪東又云今門關有四東熙春徑膠山南朝京徑平江西梁溪徑惠山北蓮蓉徑郡城元志舊羅城周圍四里三十七步子城周圍一百三十步宋乾興初知縣李晉卿重築舊子城一百七十七步東接運河西距梁溪有四正門東為熙春西為梁溪南為陽春北為蓮蓉又

三偏門曰顧橋曰新塘曰董家按運河即今弦河

詳山水城

中道梁溪即今西城河云城在其間者以子城言之也

元志謂其周百數十步纔半里許耳子城雖小斷無周圍止半里者李晉卿所築蓋因其缺壞而補葺之非周圍止有此數也考縣治之後有阜民臺為舊子城基其

上舊有觀稼睡花二亭元志亭在舊子城基上是也

見乾

隆志又有土邱在縣治之左俗號察院墩者亦當是子

廨署

城遺蹟譙樓即其城樓外有河周之則其濠也而縣治適居其中聶厚載縣治記咸平中自城西南隅移就中位者謂此城也

元志亦云州治在州城之中

以四周河形考其城制

截然而方其方半里其周二里越絕書城周二里十九步者亦謂此城也然則所謂百數十步者以方計之則合而元志誤以爲圍歟以此知羅城四里亦或以徑言之則其圍十二里與越絕書郭周一里百二十八步者差近又考元季張士誠築城稱周圍九里明初脩之稱周圍一千六百二十丈嘉靖時築之稱周圍十八里凡一千七百八十三丈按一千六百二十丈其爲步三千二百四十當十一里而弱一千七百八十三丈其爲步三千五百六十當十一里而強是所謂九里十八里者皆未核而與越絕書之郭又符然則今之城古之郭

歟識小錄謂內城四里在弦河西西溪東又謂四正門在內城三偏門在外城其說皆本諸顧貞觀外城卽郭所謂內城卽子城也而四里之說要無足據按四里之圍當得一里餘之徑今自弦河至西城河適得一里餘其城必西起今城東薄大市橋北當斥瀆南據西溪證以縣治移就中位與阜民臺爲舊子城基皆不合且以四門考之咸淳志盛菴橋沈橋在北門內則今之北門也盛菴橋在弦河東沈橋卽今胡橋在弦河西畔其不能入河西之城明甚廣惠行廟在南門則今之南門也如以四里之城計之南門當在學宮之北而章望之儒學記云在縣署東南三百步是其間無南門可知迎溪橋在西門內橋跨西溪元志梁溪在西

門外去州治纔數十步亦即今之西門也城固不在西

溪之東也

咸淳志梁溪橋跨梁溪在縣西五十步此城外之梁溪今之西城河也妙覺觀在縣南百

五十步梁溪上此城內之梁溪今之前西溪也元志西門外之梁溪亦稱西溪蓋舊時西溪梁溪原是統名但不當指今之西溪為西距梁溪之證耳此三門者皆與今合則東門所在

亦可知不在河西矣今城之制皆謂始於張士誠而明

志稱張士誠築城廢三偏門存四正門如謂宋元四門

在內至是而移於外當云改建四門而舊時之七門皆

廢何但曰廢偏門耶故以四正門為內城之門者非也

而周圍四里之說亦即沿元志舊羅城之文而誤耳蓋

舊制子城特縣治之外垣祇闢一門於譙樓之下越絕

書所謂門一者也其七門皆設於外城

新塘門在西南南二門之間至張士誠廢其三而少拓其西南隅

識錄據元志新塘門在南市橋西塊謂演武場舊在城外

其地有溝即舊濠是也康熙志猶稱演武場面城臨濠

蓋沿舊文而未盡削者否則濠在城外惡得臨之舊志

勝邁墓在新塘門外半里元末鑿濠墓沒焉又其證也

識小錄又謂西濠連東帶河外城蓋止於是其梁溪條

下亦云西溪東帶河皆昔之梁溪後增廣邑城始隔截

城內外此殆未是萬柳溪邊舊話云尤文簡居東帶河

大第數步即出西關單鏐水利書城內運河之偏有小

橋下有小瀆瀆即東帶河足證東帶河故在於是全乎

為今之城而子城則廢不復治

元志稱州城雖廢蹟猶在舊子城基上之語後之說者紛紛聚訟蓋因咸淳志

觀之蓋其廢久矣上列子城之界下詳外城之門元志又有周圍四里之

城郭



誤此其牴牾之由也識小錄又謂外城東南包今城者據元志南禪寺在城內也考乘謂舊城西北亦包今城者據咸淳志蓮蓉梁溪等橋皆在縣城也然元志城隅四址於東南東北並有東至弓河之文則南禪寺蓮蓉橋皆不得在城內東至弓河似城在弓河之西明志東抱弓河乃與今合故疑亦張士誠所增廣者然使城在河西則箭河九道勢難一一洞城而出而咸淳志稱弓河旁有九河號九箭亦不類有城以隔之故知東抱弓河未必始於張士誠而所謂東至弓河者蓋文異而實同也咸淳志蓮蓉等橋之後注已上在縣城者乃統乎城內外而言以別乎在鄉者也其蓮蓉橋本條云在北門而盛巷等橋云在北門內則固有辨矣咸淳志芙蓉河在北門廣惠行廟在南門其例正同皆不在城內

又載蓮蓉閘在縣北二百五十步謂縣城之北也如以縣治而言

崇安寺猶云縣東三百步此當再倍之益足徵蓮蓉橋之不在城內也

梁溪橋則以元志梁溪在西門外證之其不在城內又無疑矣然今城濠之外往往有城址存焉相傳偽吳築城池外有郭此其是歟

城之脩築宋以前無可考乾興時李晉卿重築子城其外城蓋未遑及故建炎初寇至而無城可守南渡以後蓋嘗治之名南門曰朝京是其徵也說本考乘自是以後皆即外城而脩築之

子城遂無有及之者元至正十五年重脩十七年偽吳張士誠增廣其制甃以甌石東抱弓河周圍九里城高二丈池深

二丈濶七丈池外有郭舊三偏門築城皆廢止存四正門水門三  
明洪武初復加繕治周圍一千六百二十丈四門皆有重屋  
宏治初知縣榮華脩建三水門嘉靖三十三年知縣王其勤築城  
禦倭七十日而成周圍十八

里城至今因之實無十八里乾隆志已言其誤凡一千七百八十三丈六尺

一寸高二丈一尺上為馬街數步一舍舍宿守卒數舍一臺臺便瞭望  
乃易四門之名東曰靖海南曰望湖西曰試泉北曰控江其上重樓  
東曰對育南曰撫薰西曰序成北曰企辰 國朝康熙七年知縣吳興祚  
重脩十九年大水圯者六十九丈知縣曾子駒徐永言相繼脩

之其後李繼善又脩之雍正四年下分縣之令城之屬無錫者九百九十八丈六尺五寸  
箭堞一千九百有奇 諜臺大小一十有九屬金匱者八百五十六丈三尺二寸  
箭堞一千六百三十有八 諜臺大小二十有一無錫知縣江日容金匱知縣王喬林於雍正九年以前皆嘗分葺道光二十年無錫知縣李彭齡金匱知縣董用威倡捐重脩七十餘丈無錫與史陳嘉桂督之以諜臺舊甌補苴罅漏故臺之存者無錫十有五金匱十有六咸豐十年城陷於粵寇寇葺而高其堞今仍之

乾隆志云顧典籍貞觀云昔城四里今城十八里大小懸殊則以今日之運河梁溪當昔日之東西接距界趾

不合因取王志運河梁溪二條逐加研勘當日運河乃今之弦河而城之東址在弦河以西今日西溪在昔猶屬梁溪而城之西址在西溪以東其言甚辯但考王志城隅四址於東南東北並有東至弓河之文而所謂十八里者其不準又甚顯則恐四里縮址在西為合東未必允也至云三偏門者其郭門乎洵解人語矣間考賦役書城闈以外南抵南禪北拒江陰巷諸處地稅猶號城租視田為重其所謂城是即外郭之廢址歟識小錄舊城考云嚴志謂舊城大於今城顧中翰梁汾則謂今大於舊按元志舊羅城周四里三十七步馮志張士誠增廣其制周九里李志明洪武初加繕治周一千六百二十丈秦志嘉靖間知縣王其勤築城周十八里計一千七百八十三丈六尺是城以漸加廓非始大小小甚明然元志南禪寺在城內今在城外則嚴志所云又似有據蓋當時有內外城外城即郭內城小於今遠甚外城則包出今城之外故南禪寺在城內也中翰以三偏門為郭門甚是不然城止四里既設四門安用偏門哉然外城祇有東南兩隅而西北則無之觀三偏門曰顧橋門通南門下塘此外城之南出者也曰新塘門在南市橋西境此外城之西出者也曰董家門者宜

近董家巷故名韃濠濠即今此則外城之東出者也三門皆近南而北無聞焉則外城止在東南明矣所以然者蓋梁溪在西而梁蓮蓉湖在北可憑以為固東南則無洪河限隔故另築外城以衛之外城在東者蓋沿羊腰灣河築之抵蓮蓉湖而止包出今城之外在西南者則小於今城抵梁溪而止西濠連東帶河昔皆謂之梁溪外城蓋止於是新塘門在南市橋西境蓋由此門至演武場耳今演武場在城內而地屬茅場一畝不編入城畝仍入場名鄉二十六都可見其地之昔在城外矣騎橋過此橋西偏有深溝社覆石鞞場一畝河為戲其溝今尚深塘門在演武場西武場西偏有深溝社覆石鞞場一畝河為戲地可辨欵所又許文學鄉三言其祖居嚴家池之北今在城西南而所藏元末屋帖註坐落城西北蓋以外城言之正在西北也此尤可證由是思南禪寺北禪寺之所以名蓋皆就外城言之也又云內城周四里三十步西距梁溪東接運河運河即今弦河梁溪即今西溪今大市橋北猶名迎迓亭蓋昔在東郭外臨運河迎接往來賓客者也今北方諸縣城周四里上下者甚衆當時規制約不過如是不得以大小為疑考乘無錫城考云語譎鄒未盡處無錫城考越絕書

云無錫城周二里十九步高二丈七尺門一樓四其郭周十一里百二十八步牆一丈七尺門皆有屋新志謂其城不詳所在愚謂城名無錫必無錫立縣時所築之城南徐記云縣舊城基也睽城志無錫志有縣即有城縣為舊城之基城必於此重築是今之城之所在即越絕所載之城之所在無疑自是以來迭有興廢修於何代拓於何時五季前無可考至宋邑令李晉卿重築舊子城始見紀載咸淳郡志云無錫城門關有四東熙春徑膠山南朝京徑平江西梁溪徑惠山北蓮蓉徑郡城蓉垞謂建炎初辛道宗叛兵南來陳篆碑記明云外無城堞而志於德祐知縣阮應得率其子華戰死傳又云城陷是無城而忽有城定為禦元倉卒而築愚謂高宗建都臨安江東諸郡縣皆為屏蔽是時無錫城必已大加繕治不然朝京之名何以見於咸淳郡志耶元志云城有七門四正門東為熙春南為陽春西為梁溪北為蓮蓉三偏門曰顧橋曰董家曰新塘蓉垞謂楊吳南唐時無錫鄰接吳越尤要於常州故有七門之城愚謂三偏門皆在縣之東南隅五季列國紛爭錢氏據有蘇州無錫實為重鎮故獨於東南隅加築外城以備吳越而以顧橋董家新塘名其外城之三門蓉垞知以七

門之城禦錢氏而不知此三偏門專為禦錢氏而設也不然何以有東南而無西北耶惟三偏門為咸淳志所不載豈郡志貴簡志其正而遺其偏歟顧橋即今羊腰灣冷瀆口之興隆橋顧橋門當在其地東河頭巷舊名董家巷董家橋在希夷道院東今廢並見新舊邑志董家門當與董家巷董家橋相近新塘門向存園門一座在今城南杜氏宗祠之旁往時余嘗見之今已為平地詢之居人王植三言其地本吳氏產吳氏家日貧而其賦向編城租項下完納較重毀之將為菜圃植三又言興隆橋直通陽春巷道旁有田一區地形高於他田亦完城租咸淳志又載度僧橋蓮蓉橋在縣城度僧橋即今南禪寺南之塔橋一名南津橋蓮蓉橋即今北門大橋江陰巷在其北此可為蓉垞所引浦志賦役書南禪寺江陰巷地租猶號城租之一證梁溪橋即今西門吊橋舊在縣城並見咸淳志蓋宋以前縣城較廣至元至正十五年築城規制始為收縮今之城乃明嘉靖間重築大略循元至正舊也余又見梁溪橋之北壩橋之南有舊城一方詢為惠氏執業相傳西倉左右半亦城基宋聶厚載縣治記縣治自西南隅移就中位以今城視之縣治實偏于西以舊城視之西隅地亦甚廓此又可

為梁溪橋舊在縣城及縣治移就中位之一證也

鄉都

縣故二十六鄉宋省震澤茂苑開寶歸德四鄉為二十  
二迨明中葉稍并為十三區其時江陵柄政令天下履  
畝通丈而田之編字亦變其舊乾隆志云嘗見洪武時  
石室山地遺契曰宮盤兩號者今號乃為初字矣以此  
知并區換字自萬厯年始也明制計戶分里隨糧定區  
區攝都都攝畝畝攝甲至今因之惟舊編順號今管順  
莊用仿表體截列兩行以便觀覽仍舊志也志鄉都第

六

古鄉順號

附村莊

今區分扇順莊

附地丁額

天授鄉 縣東三里東膠山西萬安南景雲北興寧

無錫縣

天授區上扇 領畝二十二

統都二

第一都 攝畝十一

第二都本鄉 析畝四

一畝 天 二畝 地

四列 七來 八暑

三畝 元 四畝 黃

九往

五畝 宇 六畝 宙

第三都興寧并 畝八

七畝 洪 八畝 荒

一秋 二收 三冬

九畝 日 十畝 月

四藏 五閏 六餘

十一畝 盈

七成 八歲

第二都 攝畝九

第四都興寧并 畝三

第一畝 辰

第一律 二呂 三調

三畝 宿 四畝 列

第五都興寧并 畝七

五畝 張 六畝 寒

一陽 二雲 三騰

七畝 來 八畝 暑

四致 五雨 六露

九畝 往

七結

胡村 前旺 蔡家渡

本扇管田併各則地共

馮窑 垆村 高橋

七百三十九頃六十

後祁 梨花莊 楊莊

三畝八釐一毫隨田

塘頭 下旺 龍陽

丁八千一百二十一

倪村 觀莊 富村

丁

斗門 下墟 嚴埭

鄉都

居莊灣

興寧鄉 縣北四十六里東膠山西興道南天授北

江統都三

第三都 攝畝八

一畝 秋 二畝 收

三畝 冬 四畝 藏

五畝 閏 六畝 餘

七畝 成 八畝 歲

第四都 攝畝三

一畝 律 二畝 呂

三畝 調 四畝 呂

第五都 攝畝七

一畝 陽 二畝 雲

三畝 騰 四畝 致

五畝 雨 六畝 露

七畝 結 二畝 雲

西張 王莊 後湯

寺頭 前沽裏 張村

後沽裏 小亭 成塘

長岡 東王 馬鎮

俞村 開原莊 新塘

麻疇 陳村 西高山

西戴崎 包裏 西高西

大李墅 胡家渡 高魯堰

西高東 丁塔 鄒祁

青城區上扇 領畝九

第六都興道并 畝三

一為 二霜 三金

第七都興道并 畝三

一生 二麗 三水

第八都興道并 析畝一

一玉

第九都萬安分 析畝一

第十號興道并 畝一

第十四都本鄉 析畝一

一師

本扇管田併各則地共

五百五十頃五十九

畝三分三釐九毫隨

本田丁五千一百八十

西丁

青城區下扇 領畝八

第八都興道并 析畝四

二出 三崑 四岡

五劔

縣西北四十里東興  
寧西武進南招義北

江陰統都三

第六都 攝畝三

一畝 爲 二畝 霜

三畝 金

第七都 攝畝三

一畝 生 二畝 麗

三畝 水

第八都 攝畝五

一畝 玉 二畝 出

三畝 崑 四畝 岡

五畝 劍

萬安區上扇 領畝十三

第九都本鄉 析畝四

二巨 三闕 四珠

五稱

第十都本鄉 析畝一

一夜

第十一都招義并 畝四

一菜 二重 三芥

四薑

第十二都招義并 析畝四

萬安鄉 縣西二十五里東興  
道西布政南開原北

招統都二

劉莊舊作黃巷

星橋

劉莊

玉祁

曹坊

大劉

鄧巷

方前

俞巷

南崎

章村

吳村

吳塘

唐村

周村

唐村

周村

周村

周村

周村

周村



第九都 攝畝五

一畝 號 二畝 巨

三畝 關 四畝 珠

五畝 稱

一海 三河 四淡 五鱗

本扇管田併各則地共

六百一頃四分二釐

第十都 攝畝六

一畝 夜 二畝 光

三畝 果 四畝 珍

五畝 李 六畝 柰

二毫隨田丁五千八百九十七丁

萬安區下扇 領畝十二

第二都天授分 析畝一

三宿

第十都本鄉 析畝五

弓村 潘葑 社埭  
新涇河 下徐

錢村 西張  
舊有兩潘葑兩西張

招義鄉 縣西北四十里東萬安西北武進南萬安北

興道 統都二

第十一都 攝畝四

一畝 菜 二畝 重

三畝 芥 四畝 薑

第十二都 攝畝五

一畝 海 二畝 鹹

三畝 河 四畝 淡

二光 三果 四珍

五李 六柰

第十三都青城分 析畝一

二羽

第十四都青城分 析畝五

二火 三帝 四鳥

五官 六人

本扇管田併各則地共

四百三十五頃七十

四畝五分二毫隨田

五畝

直湖 羊巷 陳巷  
下湖 張巷 寺巷  
洛社 姚莊 謝村  
乙虞橋 盛村

丁四千五百九十六

曹市 安莊

富安區上扇 領畝十七

五牧 梅巷 歐塘  
新彭店 高廟

第十五都神護并 畝五

青城鄉 義西陽湖南神護北

一皇 二始 三制

義招 統都二

四文 五字

第十三都

第十六都神護并 畝五

攝畝四

一乃 二服 三衣

一畝 潛 二畝 羽

四裳 五推

三畝 翔 四畝 龍

第十七都本鄉 析畝三

第十四都

二讓 三有 五虞

一畝 師 二畝 火

第十八都本鄉 析畝二

三畝 帝 四畝 鳥

一陶 五伐

五畝 官 六畝 人

第廿一都布政并 析畝二

西村 誌公橋 楊村

二愛 四黎

彭村 曹村 楊村

本扇管田併各則地共

吳村 張村 閔巷

六百六十三頃八十

張塘坊 強家渡 匡村

六畝六分五釐四毫

楊橋 侯巷 嚴坊

隨田丁六千六百七

王巷 左村 港東

十九丁

余村 秦巷

鄉都

大橋 富頭浜

古

神護鄉 縣西北五十里東布政西陽湖南布政北

無錫金匱縣志

卷四

古

青統都二

富安區下扇 領畝十七

第十五都 攝畝五

第十七都本鄉 析畝二

一畝 皇 二畝 始

一位 三國

三畝 制 四畝 文

第十八都本鄉 析畝五

五畝 字

二唐 三帛 四民

第十六都 攝畝五

六罪 七周

一畝 乃 二畝 服

第十九都本鄉 畝五

三畝 衣 四畝 裳

一發 二商 三湯

五畝 推

四坐 五朝

上舍 鄭店 陽莊 安陽 費莊 修浦

第廿都布政并 畝五

開原莊 盧橋 馮橋 郭莊 尹城

一問 二道 三垂

張莊 徐舍 寺前 賈山 嚴塢 蓮干

四拱 五平

賈村 舊有兩開原莊

本扇管田併各則地共

富安鄉 縣西五十里東布政 西陽湖南陽湖北神

本五百七十九頃七十

護 統都三

八畝九分九釐五毫

第十七都 攝畝五

隨田丁六千九十丁

一畝 位 二畝 讓

開原區上扇 領畝十二

三畝 國 四畝 有

第廿二都本鄉 析畝四

五畝 虞

三伏 四戎 六遐

第十八都 攝畝七

九體

一畝陶 二畝唐

第廿三都本鄉畝四

三畝弔 四畝民

一賓 三王 五鳳

五畝伐 六畝罪

六在

七畝周

在城西北析本鄉畝四

第十九都攝畝五

二好 三爵 四自

一畝發 二畝商

五縻

三畝湯 四畝坐

本扇管田併各則地共

五畝朝

水三百四十二頃六十

才莊堵村 謝巷

九畝二分六釐三毫

曹村俞巷 陸墟

隨田丁三千五百八

黃巷吳村 張舍

十四丁

前邵孟村 張村

開原區下扇領畝十五

胡干花村 段莊

第廿一都布政并析畝二

西溪後吳 巷頭

一章 三育

馬巷西山灣 前沿村

第廿二都本鄉析畝六

章山閭江 前村

一首 二臣 五羌

桑村繡衣莊 蔡村

七邇 八壹 十率

蒼峴嶺歸山

第廿三都本鄉析畝二

胡山歸山

二歸 四鳴

楊灣胡埭

在城西北析本鄉畝三

繡衣莊舊

鄉都

作邵巷

第廿四都本鄉析畝五

布政鄉縣西四十里東開原

第廿五都本鄉析畝二

護統都二

第廿六都本鄉析畝五

第二十都

第廿七都本鄉析畝二

一畝問 二畝道

第廿八都本鄉析畝二

三畝垂 四畝拱

五畝 平

第二十一都 攝畝四

一畝 章 二畝 愛

三畝 育 四畝 黎

陳村 新豐 後莊

蓮干 賁巷 韓村

上倉 西丁村

東丁巷 華藏

奚村 三家村

廟塘 官濱 唐巷

石橋 聖山 徐塘

歷村 毛村

開原鄉 縣西二里東在城西

統都二

一操 六都 七邑

在城西南 析本鄉畝二

三東 四西

本扇管田併各則地共

四百三十一頃八十

三畝七分九釐一毫

隨田丁六千五百六

十二丁

揚名區上扇 領畝十四

第廿五都本鄉 析畝五

第二十二都 攝畝十

一畝 首 二畝 臣

三畝 伏 四畝 戎

五畝 羌 六畝 遐

七畝 邇 八畝 壹

九畝 體 十畝 率

第二十三都 攝畝六

一畝 賓 二畝 歸

三畝 王 四畝 鳴

五畝 鳳 六畝 在

一木 六蓋 八身

十四 十一大 六

第廿六都本鄉 析畝九

一恭 二惟 五豈

七毀 八傷 九女

十一貞 十三男

十四効

本扇管田併各則地共

二百七十九頃九十

六畝一分三釐九毫

莫塘 下虞橋 陶墟

龍山 烏涇橋

許陂 雞坑 石步 嶧剛灣

斗城 明陽 丁村 常庵

戴社 繡嶂

揚名鄉 縣西南四十里東景

化北 統都三

第二十四都 攝畝八

一畝 竹 二畝 白

三畝 駒 四畝 食

五畝 場 六畝 化

七畝 被 八畝 草

第二十五都 攝畝十三

一畝 木 二畝 賴

三畝 及 四畝 萬

五畝 方 六畝 蓋

七畝 此 八畝 身

九畝 髮 十畝 四

十一畝 大 十二畝 五

十三畝 常

隨田丁五千四百三

十一丁

揚名區下扇 領畝十五

第廿五都本鄉 析畝八

二賴 三及 四萬

五方 七此 九髮

十二五 十三常

第廿六都本鄉 析畝五

三鞠 四養 六六敢

十慕 十二潔

在城西南 析本鄉畝二

一華 二夏

本扇管田併各則地共

第廿三都本鄉 領畝十三

八畝三分一毫隨田

丁四千三百五

開化區上扇 領畝十七

第廿四都揚名分 析畝二

一竹 二白

第廿七都本鄉 析畝六

第二十六都 攝畝十四

一畝恭 二畝惟

三畝鞠 四畝養

五畝豈 六畝敢

七畝毀 八畝傷

九畝女 十畝慕

十一畝貞 十二畝潔

十三畝男 十四畝効

倉干涇 板橋

河莊 下曹 路耿

大浮 漆塘 周村

胡戴 張莊 大橋

梁塘 沿塘 章村

蓮朶 丁巷 塘北

後溪 蘇平 茅場

獨山 半庵 青祁

坊東 青山莊 盧村

南橋 馬蠡 寶界

永聖橋 管社

水居 管社

開化鄉 縣西南六十里東新

安西太湖南太湖北

揚名 統都三

第二十七都 攝畝七

一畝才 二畝良

三畝知 四畝過

五畝心 六畝改

一才 二良 三知

四過 六改 七得

第廿八都本鄉畝七

一能 二莫 三忘

四罔 五談 六彼

七短

第廿九都本鄉析畝二

一靡 七可

本扇管田併各則地共

四百五十三頃四十

九畝七分五毫隨田

丁三千七百七十丁

開化區下扇領畝十六

第廿四都揚名分析畝六

三駒 六四食 十五場

六化 七被 八草

第廿七都本鄉析畝一

五必

第廿九都本鄉析畝九

二恃 三己 四長

鄉都

七齒得

第二十八都 攝齒七

一齒能 二齒莫

三齒忘 四齒罔

五齒談 六齒彼

七齒短

第二十九都 攝齒十一

一齒靡 二齒恃

三齒己 四齒長

五齒信 六齒使

五信 六使 八復

九器 十欲 十一難

本扇管田併各則地共

三百六十七頃八十

三畝五毫隨田丁三

千六百二十五丁

新安區上扇 領齒十七

第三一都本鄉 析齒九

二念 三作 四聖

五德 六建 七名

七齒可 八齒復

九齒器 十齒欲

十一齒難

九形 十端 十一表

第三二都本鄉 析齒八

一正 二空 四傳

五聲 六虛 八習

九聽 十禍

本扇管田併各則地共

四百八頃四十二畝

四分三釐八毫隨田

丁三千二百五十五

丁

許墓 李山 軍將山  
橫山 陶壑 葛球  
許舍 楊橋 前張  
唐干 沙頭 根上  
南辛 倉前 吳塘門  
白茅 長泰 瀆東  
庵堂 丁澤 徐店  
橫壑 方湖 後吳  
萬步 湖沙港 上顧  
趙舍 楊橋  
石塘 長廣溪 楊樹園  
漂白 洞庵  
舊有兩  
唐干



新安鄉 縣南五十里東泰伯西開化南太湖北揚

名 統都三

新安區下扇 領畝十七

第三十都 攝畝十三

第三十都本鄉 畝十三

一畝 量 二畝 墨

一量 二墨 三悲

三畝 悲 四畝 絲

四絲 五染 六詩

五畝 染 六畝 詩

七讚 八羔 九羊

七畝 讚 八畝 羔

十景 十一行

九畝 羊 十畝 景

十二維 十三賢

十一畝 行 十二畝 維

第三一都本鄉 析畝二

十三畝 賢

第三二都本鄉 析畝二

第三十一都 攝畝十一

第三谷 七堂

一畝 克 二畝 念

本扇管田併各則地共

三畝 作 四畝 聖

三百二十八頃七十

五畝 德 六畝 建

七畝三分六釐隨田

七畝 名 八畝 立

一丁三千一百二十一

九畝 形 十畝 端

丁

十一畝 表

金匱縣

第三十二都 攝畝十

天授區下扇 領畝十九

一畝 正 二畝 空

第一都本鄉 析畝四

三畝 谷 四畝 傳

七洪 八荒 九日

五亩聲 六亩虛

十一盈八

七亩堂 八亩習

第二都本鄉析亩四

九亩聽 十亩禍

一昃 二辰 五張

店涇 袁巷 戈村  
趙塚 茅墳 前陳

六寒

楊木橋 後陳 曹店  
廟橋 唐店

第五二都膠山并亩三

俞村 焦莊 蠡東  
沿塘 東張 西許

一夫 二倡 三婦

張村 溪橋 張莊  
望亭 下庫 湖頭

第五三都膠山并亩四

徐洵 新安 淨慧寺  
溪西 新橋 二堡

一隨 二外 三受

舊有三 二亩  
沿塘

四傳

泰伯鄉縣東南五十里東垂

第五四都膠山并亩四

景雲 統都四

一訓 四工 八百三奉

第三十三都攝亩七

四母

一亩因 二亩惡

本扇管田併各則地共

三亩積 四亩福

本八百二十一頃五十

五亩絲 六亩善

八九畝七釐二毫隨田

七亩慶

四丁七千八百四十二

第三十四都攝亩八

丁

一亩尺 二亩璧

泰伯區上扇領亩十四

三亩非 四亩寶

第三三都本鄉亩七

五亩寸 六亩陰

一因 二惡 三積

七齒是 八齒競

第三十五都 攝齒八

一齒資 二齒父

三齒事 四齒君

五齒日 六齒嚴

七齒與 八齒敬

第三十六都 攝齒四

一齒孝 二齒當

三齒竭 四齒力

漕湖 方橋 泗洲寺  
虞巷 青墩 袁巷

泥潭 徐塘 下莊  
孫村 大車堰

劉村 楊墓 柘社  
商巷 朱村 南蠡莊

黃團橋 望亭

沈瀆 包莊 南河

金鷺墩 何店

觀莊 畢莊 唐村

鰲塔 馬頓 沿塘  
白泥墩 丁村

虎盆 道士莊

東黃 十房橋

許賣布橋

垂慶鄉 縣東五十里東長洲  
西上福南泰伯北延

祥 統都二

第三十七都 攝齒七

四福 五緣 六善

七慶

第三四都本鄉 析齒七

一尺 二璧 三非

四寶 五寸 七是

八競

本扇管田併各別地共

本五百六頃二十七畝

四二分一釐六毫隨田

丁四千九百二十九

丁

泰伯區下扇 領齒十八

第三四都本鄉 析齒一

六陰

第三五都本鄉 齒八

一資 二父 三事

四君 五曰 六嚴

七與 八敬

第三六都本鄉 齒四

一孝 二當 三竭

一齒忠 二齒則

四力

三齒盡 四齒命

第五六都梅里并 析齒一

五齒臨 六齒深

六連

七齒履

第五七都梅里并 析齒四

第三十八都 攝齒四

一分 二切 三磨

一齒薄 二齒夙

九側

三齒興 四齒溫

本扇管田併各則地共

張塘橋 應店 丁泰 小茅涇

七百一十三頃八十

磚橋 塗林 狄澤橋

畝一分八釐隨田丁

胡堰橋 楊墓 觀前

六千一百六丁

毛塘橋 東朱 胡莊橋

南延區上扇 領齒十八

三黃子橋 廟庵 後堰 馬橋 新涇

第三七都垂慶并 析齒三

薛店 樓上 雙板橋 蘇舍

二則 四命 六深

駱婆橋 舊有東莊誤廟 庵作廟橋亦誤

第三九都延祥分 析齒五

延祥鄉 縣東六十里東常熟 西上福南垂慶北常熟

一清 二似 三蘭

熟 統都四

五馨 六如

第三十九都 攝齒六

第四十都延祥分 齒六

一齒清 二齒似

一松 二之 三盛

三齒蘭 四齒斯

四川 五流 六不

五齒馨 六齒如

第四一都延祥分 析齒四

第四十都 攝齒六

鄉都

一畝松 二畝之

三畝盛 四畝川

五畝流 六畝不

第四十一都 攝畝六

一畝息 二畝淵

三畝澄 四畝取

五畝映 六畝容

第四十二都 攝畝六

一畝止 二畝若

三畝思 四畝言

一息 二淵 五映

六容

本扇管田併各則地共

五百二十五頃七十

四畝九分一釐二毫

隨田丁四千五百六

十七丁

南延區下扇 領畝十

第三七都垂慶并 析畝四

一忠 三盡 五臨

五畝辭 六畝安

丁舍 白茅墩

白石 橫涇浜

上朱 莊巷 圓通

廟橋 陳巷 潘巷

毛莊 蓬墩 費橋

莊前 寺南 甘露

唐涇 蔡灣 黃塘

北湖橋 新涇港

趙莊 東黃 湯巷

濠上 後塘 北黃

西城 鴻山 杜莊

東醮 曹墓塘

斷塘橋 西莊

唐賈橋 尤村

蕩口 謝埭 北錢

徐充橋 旺家橋

舊有石室 不在此鄉

七履

第三八都垂慶并 畝四

一薄 二夙 三興

四溫

第四二都延祥分 析畝一

一止

第五七都梅里并 析畝一

七慈

本扇管田併各則地共

三百二十五頃六畝

上福鄉 縣東五十里東延祥  
西梅里南梅里北宅

五釐四毫隨田丁二

仁統都二

千五百九十六丁

第四十三都 攝畝七

北延區上扇 領畝十四

一畝 定 二畝 篤

第三九都延祥分 析畝一

三畝 初 四畝 誠

四斯

五畝 美 六畝 慎

第四一都延祥分 析畝二

七畝 終

三澄 四取

第四十四都 攝畝四

第四二都延祥分 析畝五

一畝 宜 二畝 令

二若 三思 四言

三畝 榮 四畝 業

五辭 六安

東莊 版村 宋村  
白擔山 嵩山

第四三都上福并 析畝三

殷巷 西安 羅莊  
許巷 太平橋

三初 四誠 六慎

河北 華巷 支巷  
戈家浜 東村

第四四都上福并 析畝三

西村 寨裏 胡巷  
北舍 西倉 走馬塘

一宜 三榮 四業

前澗 後橋 安鎮  
芙蓉塘橋 盛基墩

本扇管田併各則地共

宅仁鄉 縣北六十里東懷仁  
西膠山南梅里北江

五百八十三頃一十

陰統都三

五畝三釐四毫隨田

第四十五都 攝畝四

丁四千九百八十五

一畝 所 二畝 基

丁

三畝 籍 四畝 甚

北延區下扇 領畝十四

第四十六都 攝畝七

一畝 無 二畝 竟

三畝 學 四畝 優

五畝 登 六畝 仕

七畝 攝

第四三都上福并 析畝四

一定 二篤 五美

七終

第五五都梅里并 析畝三

一儀 四伯 八比

第四十七都 攝畝三

一畝 職 二畝 從

三畝 政

第五六都梅里并 析畝七

一懷 二兄 三弟

五氣 七枝 八交

九友

本扇管田併各則地共

東方莊

袁店 馮堰

萬村 尤村

楊鄧 岳莊

芒澤 蘇唐河

下塘 梓堰 袁巷

南庵 施村

黃土塘

杜馬橋

貴村

陳村

顧馬市

五百三十七頃六十

一畝七分九釐七毫

隨田丁五千四百四

十三丁

懷仁鄉 縣東北六十里東常

懷仁區上扇 領畝二十一

江陰統都三

第四五都宅仁并 析畝二

一所 四甚

第四十八都 攝畝六

第四六都宅仁并 析畝六

一畝 存 二畝 以

三畝 甘 四畝 棠

五畝 去 六畝 而

一無 三學 四優

五登 六仕 七攝

第四十九都 攝畝七

第四七都宅仁并 析畝一

一畝 益 二畝 詠

二從

三畝 樂 四畝 殊

第四八都本鄉 析畝一

五畝 貴 六畝 賤

一存

七畝 禮

第四九都本鄉 畝七

第五十都 攝畝七

一益 二詠 三樂

一畝 別 二畝 尊

四殊 五貴 六賤

三畝 卑 四畝 上

七禮

五畝 和 六畝 下

第五十都本鄉 析畝四

七畝 睦

一別 二尊 四上

羊尖 前墅 周莊

七睦

東許 千牛莊 莊頭

本扇管田併各則地共

舍上 顧市 蠡國

正一千二百五十頃二

弓巷 前村 鄧莊

十畝三分九釐四毫

顧莊 封侯 吳戴

隨田丁七千六百七

單宅 羊梓 黃莊

十五丁

前戴 後戴 下莊

懷仁區下扇 領畝二十二

胡塘 蕩上 芎蒲涇

第四四都上福并 析畝一

後祁 凌店 張村

二令

潘市 陸市 張村

第四五都宅仁并 析畝二

城塘 廊下

鄉都

黃河岸

鄉都

膠山鄉 縣東北五十里東宅

第五十一都

江統都四 實止

此都向不列畝號乾隆

庚午志謂丈量時書吏



誤脫疑下三畝本屬此  
都故都雖越而千文相  
接也識小錄  
非之詳見後

第五十二都 攝畝三

一畝 夫 二畝 倡

三畝 婦

第五十三都 攝畝四

一畝 隨 二畝 外

三畝 受 四畝 傳

第五十四都 攝畝四

一畝 訓 二畝 入

三畝 奉 四畝 母

前山 羊墅 同村  
丁村 西斗村  
牛塘 白土 顧莊  
西園 上舍 范巷  
木村 杜村 道場巷  
李巷 殷巷 王村

廟下 坎莊 下馮  
羅橋 北塘 上店  
惠巷 寺莊 下徐  
翁巷 干巷 前旺  
張涇橋 八畝  
孔莊

梅里 或作鄉 縣東三十五里  
李非 鄉 東上福西景雲

南泰伯 統都三  
北宅仁

第五十五都 攝畝十

二基 三籍

第四六都宅仁并 析畝一

二竟

第四七都宅仁并 析畝二

一職 三政

第四八都本鄉 析畝五

二以 三甘 四棠

五去 六而

第五十都本鄉 析畝三

三卑 五和 六下

第五五都梅里并 析畝六

三姑 五叔 六猶

第七子 九兒 十孔

第五六都梅里并 析畝二

第四同 十投

本扇管田併各則地共

四九百九十八頃四十

一二畝二分八釐八毫

隨田丁七千四百三

十五丁

一畝儀 二畝諸

景雲區上扇 領畝十八

三畝姑 四畝伯

第一都天授分 析畝七

五畝叔 六畝猶

一天 二地 八三元

七畝子 八畝比

四黃 五宇 六宙

九畝兒 十畝孔

十月

第五十六都 攝畝十

第五五都梅里并 析畝一

一畝懷 二畝兄

二諸

三畝弟 四畝同

第五八都本鄉 析畝六

五畝氣 六畝連

二次 三弗 四離

七畝枝 八畝交

第五節 六義 七廉

九畝友 十畝投

第五九都本鄉 析畝三

第五十七都 攝畝九

二顛 三沛 六性

一畝分 二畝切

在城東北 析畝一

三畝磨 四畝箴

五逐

五畝規 六畝仁

本扇管田併各則地共

七畝慈 八畝隱

五百四十頃六十五

九畝側

畝四釐四毫隨田丁

滕莊 戴墅 席祁

八千九百五十五丁

莊頭 隆亭 鴨城

景雲區下扇 領畝十六

阪橋 祗陀 安澤

第五七都梅里并 析畝四

後羅 蠡頭 油車塚

鄉都

張公橋 石埭橋

堠山 社洞 小呂

梅村 蘆尖 萬村

秦村 毛塘 香涇

袁墅 破塘 許巷

冷村 埃陽 毛道橋

舊有宋村

丁村誤

景雲鄉 縣東二十八里東梅里西在城南在城北

天統都三

第五十八都 攝齒七

一齒 造 二齒 次

三齒 弗 四齒 離

五齒 節 六齒 義

七齒 廉

第五十九都 攝齒六

一齒 退 二齒 顛

三齒 沛 四齒 匪

五齒 虧 六齒 性

第六十都 攝齒七

一齒 靜 二齒 情

三齒 逸 四齒 心

五齒 動 六齒 神

七齒 疲

沿塘 吳村 孫道村

後蘇村 鮑巷

四箴 五規 六仁

八隱

第五八都本鄉 析齒一

一造

第五九都本鄉 析齒三

一退 四匪 五虧

第六十都本鄉 齒七

一靜 二情 三逸

四心 五動 六神

七疲

在城東北 析齒一

四滿

東本扇管田併各則地共

五百五十四頃六十

九畝五分三釐二毫

隨田丁六千四百十

三丁

開原區上扇 析領在城齒五

東北 析齒三

一守 六物 八移

黃草岸	鐵柱岸	前蘇村
冷濱村	石澤	蘇村
時窰	江陂	王莊
羊橋	坊前	杜村
下陽	周涇	黃士
何墓	袁墅	沈莊
白土	張塘	新安村
歐村	華莊	塔影莊
宅基上		
舊有兩王莊兩下陽		
乾隆庚午志云舊志村		
莊分置逐都之後每不		
甚清畫竊意都狹而鄉		
寬以狹界析領不如以		
寬界統屬差不大失云		

在城字號

東北 析開原畝六  
景雲畝二

東南 析畝二

一堅 三雅

以上五畝共隨田丁一

千一百六十九丁

開原區下扇 析領在城畝四

東北 析畝三

二真 三志 七意

東南 析畝一

二持

以上四畝共隨田丁八

百五十八丁

一畝 守	二畝 真
三畝 志	四畝 滿
五畝 逐	六畝 物
七畝 意	八畝 移
東南 析開原畝三	
一畝 堅	二畝 持
三畝 雅	
西北 析開原畝七	
一畝 操	二畝 好
三畝 爵	四畝 自

乾隆庚午志云諸志鄉都一項以次加詳各有不同元志有鄉無都畝而村莊另列明志都畝皆有村莊或削而未及田號至前庚午志則鄉都畝號現村莊皆備而猶未及現在區扇地丁再至金匱志乃無或缺焉獨所列舊編今管前後析置頗苦披勘越遠茲則冊其詳備而移其前校之勞云爾 案嘉慶志鄉都悉因乾隆庚午志之舊今仍之惟田畝歷有升增與乾隆時已微不合其大數見賦役

五畝 糜 六畝 都

七畝 邑

西南 析揚名畝二  
開原畝二

一畝 華 二畝 夏

三畝 東 四畝 西

識小錄云膠山鄉五十  
一都獨有都無畝舊志  
此都下列村巷五日前  
山羊墅回村丁村西斗  
村今前山之南張涇之  
北多荒廢無糧相傳昔  
本有糧明萬歷初丈田  
編號始去之意此本五  
十一都地也有其地故  
存其都捐其糧不立號

中此不  
復詳云

故去其畝若以千文順  
接而疑之則萬歷田號  
與洪武時不同既因編  
號而捐糧則空此畝而  
徑編下畝千文安有不  
順接乎又舊志他都皆  
列村巷十獨是都止五  
與五十二都合而成十  
則以此兩都本為荒區  
故居民鮮少後之司牧  
者不可不知又案一都  
之糧未必全捐但捐者  
多則與他畝不另立畝  
者必附他號與荒田接  
今優隨兩號與荒田接  
界皆至一萬五六千畝  
不應若是之多必五十  
一都地有併入者又  
云舊志每都後必列村  
巷十者昔本分為十保

鄉都

以此見保甲之大略非  
詳著村巷之全數也王  
仁輔原志於村巷下注  
明一保至十保故有一  
地而重列者由居民多  
分爲二保故也其村巷  
之小者則附他巷以成  
一保故必以十爲率始  
能見整齊不然都有大  
小村巷有多寡而必限  
之以十有是理耶秦志  
鄉都後不列村巷蓋爾  
時保甲之法不同於古  
故去之嚴志列村巷如  
舊而不注明分十保之  
故新志以意總每畝村  
巷統載於一鄉之後則  
都分十保之制不明又  
以意增補改易有今昔  
異名重疊複出者如圓

通節今之北錢既列圓  
通又添北錢之類是也  
有彼此錯誤者如張涇  
橋係宅仁鄉地孔莊係  
懷仁鄉地而皆謂入膠  
山鄉是也更如高子水  
居亦列入村巷尤無謂  
矣按識小錄所稱舊  
志謂乾隆以前之志也  
新志謂乾隆庚午志也  
秦志謂萬  
厯志也



